

孟子四考

孟子注見隋經籍志者四家趙岐鄭康成劉熙綦母邃也外此漢有程曾高誘唐有陸善經張鑑丁公著宋世有四注孟子題楊雄韓愈李翱熙時子四家中興藝文志謂其旨意淺近蓋依託者今獨趙注存而諸家盡佚可惜也然李唐爲世較近而陸與張丁之說並見採於孫宣公音義學者猶可藉以考見未若漢晉諸儒之甚古可愛而竟絕少稱述也嘗見丹鉛錄論永樂中所刊大全謬改左傳駟字爲驛因引孟子置郵傳命古注云置驛也郵駟也此文今在集注雖前於永樂不可謂古而升菴更不言有他據蓋古注之不明久矣秀升章句本不著錄其無考固宜乃至藏諸祕書著在子部者

亦止劉與綦毋軼見一二焉輯而存之孰謂斷圭碎璧不足爲篋櫝珍乎若趙氏之書先爲善經所削正義間有摘採亦頗漏畧元初張慶孫西湖書院重整書目記稱有孟子女古注卽今所傳宋槧趙注也以今本注疏及新刊本校之同異甚多輒舉若干條與嗜古之士共參之作孟子女古注考第三

孟子古注考

海寧周廣業述

漢趙岐孟子注

隋志十四卷

舊唐志同

案後漢書岐字邠卿京兆長陵人初名

嘉生於御史臺因字臺卿後避難自改名字示不忘本也

岐少明經有才藝永興二年辟司空掾延熹初避唐珣之

禍逃匿四方江淮海岱靡所不至變姓名賣餅北海市中

安邱孫嵩藏之複壁中數年因赦乃出

集注考證孫嵩藏之複壁中注孟子

何異孫十一經問答曰岐在夾柱中三年注一部孟子又據本傳云嵩藏之複壁中岐隱居困阨者三年注成孟子廣業考本傳無擢并州刺史靈帝初復遭黨錮十餘歲中此文恐不足據

平元年徵拜議郎獻帝興平元年以太僕使荊州督租糧

以老病遂畱荊州時曹操爲司空舉以自代就拜太常年

九十餘建安六年卒

案袁宏紀初平三年岐嘔血而死鄠道元水經注鄠城中有趙臺卿冢岐

平生所自營也岐多所述作著要子章句三輔決錄傳於時

劉攽兩漢刊誤云趙岐傳要子章句要當作孟古書無要

子而岐所作孟子章句傳至今本傳何得反不記也吳仁

傑補遺云古文要作與與鼃相近疑孟與鼃通岐傳作鼃

子章句而訛作與耳水經注漳水出大鼃谷注云大要谷

類此廣業案說文孟作𧈧其古文作𧈧初不與鼃通趙宦

光所謂𧈧

𧈧形同古孟也古文要唐元度九經字樣作與

司馬光類篇作𡗗𡗗注云古作𡗗𡗗六書故作𡗗漢書地理志北地郡大𡗗縣師古曰𡗗古𡗗字音一遙反亦皆與𡗗微異然則孟之爲𡗗直謂之字誤可耳玉海藝文引趙岐傳已作孟子章句

題辭○文云孟子題辭者所以題號孟子之書本末指義文辭之表也張鎰音義云題辭卽序也趙注尙異故不謂之序而謂之題辭也中稱孝文帝廣遊學之路論語孝經孟子爾雅皆置博士後罷傳記博士獨立五經而已訖今諸經通義得引孟子以明事謂之博文案置博士不見於漢書而劉歆移書讓太常博士云孝文皇帝時天下衆書往

往頗出皆諸子傳記猶廣立於學官爲置博士是其證也
王圻續文獻通考乃謂孟子得立博士實自岐始誤矣博
文之說王海藝文經解類據呂東萊曰謂課試者也因擬
序云諸經通義者漢五經課試之學也維漢以文立治以
經選士鴻生傳業支蕃葉滋闡繹道眞探索聖蘊決科射
策則有通義之目以孟子明事則有博文之名趙岐題辭
物述大槩謹稽合史傳而爲之說曰粵自木鐸聲寢經與
道榛塞孟子闢邪距詖羽翼孔道七篇垂訓法嚴義精知
性知天易之與也以意逆志詩之綱也言稱堯舜書之要
也井田爵祿之制可以知禮王霸義利之辨可以知春秋

儒者稱之曰通五經噫若孟氏斯謂之通矣歟哉漢之尊經乎儒五十三家莫非賢傳也而孟子首置博士九流百八十九家莫非諸子也而通義得述孟子斯文之統記以壹多士之趨向以純非徒綴訓故誦佔畢而已若稽前載建元五年春五經始立博士元朔五禩通一藝者試之孝元好儒通一經者復之博士十四昉於建武選受四經俶於建初科有甲乙試有家法或試經於太常或試誦說於博士永元十四年司空徐防建言開五十難解釋多者爲上第演文明者爲高說所謂博文明事雖軼不傳然建武中太子諸王欲爲通義而聘鄭衆建初四年會諸儒白虎

觀命史臣著通義曹褒傳慶氏禮亦纂通義十八篇觀其名可求其畧矣還觀有漢之盛鉅儒石師開門授徒著錄至萬六千人經數家家數說章句多者百餘萬言厯禩縣遄湮沒居多嘗卽詩禮訓註考之小弁述親親之言王制述貢助徹之法爵德齒釋於太宰經界釋於小司徒圭田市廛闢幾釋於載師廛人司關助有公田國中什一及函人矢人之說又詳列於考工記詩小弁引舜五十而慕絲篇引太王不以養人者害人禮記王制引貢助徹圭田坊記引舜年五十不失孺子之心周禮太宰八統引爵德齒載師士田引圭田之說及五畷之宅植桑廛人引市廛而不征法而不廛司關引關幾而不征函人矢人助有公田野九夫稅一國中什一之言又引於珠貫絲組上下洽通蓋傳得其宗無越鄒考工記匠人

孟求觀聖道必自茲始否則續以華藻汨以緯候茲詭
辨稽古蔓辭燕說郢書吾道莠矣焉得而通諸。考文云
十三經本不載題辭惟崇正本即汲古閣本載之并解今校以
古本足利本開延道德足利本延作堦而意以獨至古足
利以並作已補遺云孔子稱天生德於子古足利子並作
予

章句指事。意林云蜀郡趙臺卿作章句章句曰指事廣業
案臺卿京兆人而稱蜀郡者蓋因避難改籍題辭所云息
肩濟岱之間有雅德君子矜我劬瘁慰以大道困吝之中
聊繫志於翰墨是也章句曰指事者謂斷章而揭其大指

離句而證以實事也。意林錄自梁庾仲容子鈔，當是庾所見舊本標題如此。今章句之名，朱子集注仍之，而指事之義罕有知之者矣。或云史記稱莊周善屬書，離辭指事類情指事之名。本此案指事爲六書之一。許慎說文序云：「視而可識，察而可見，上下是也。」趙蓋兼取顯著之義。

篇序。篇序者，建篇之次第也。其全文今見宣公音義中三

山林氏奇之作孟子講義自序云：「七篇之書，趙臺卿謂孟子

自作，故其論序篇曰：「孟子之意以謂帝正義作聖王之盛孔本同」

惟有堯舜堯舜之道，仁義爲尙，故以梁惠王問利國對以仁義爲首篇。仁義根於心，然後可以大行其政，故次以公孫丑問管晏之政，答以曾西之所羞，以至滕文公離婁數。

篇莫不有說凡篇所以七者以象七政章所以二百六十一者以象三時之日數也三萬四千六百八十五字者所以法五七之數而不敢盈若此之類其說迂濶大抵求孟子之意者必求其言至文字多寡篇名先後出於一時之偶然不可泥也廣業案少穎之論良是然篇序之名亦不可不知

錢曾讀書敏求記云孫奭孟子音義二卷其書後附孟子篇序音義曰此趙氏述孟子七篇各有敘次之意也篇序世罕得見藏書家宜廣其傳勿易視之廣業案篇序自林氏之辨注家不復採用觀錢氏之說知不可徑廢也

章指○章指者彙括一章之大指也董生言春秋文多數萬其指數千知文必有指趙氏因舉以爲例唐人多引用之自陸善經注孟始悉去之

崇文總目云善經刪趙岐章指與其注之繁重者復爲七卷

宋人作正義復任意割裂僅於每卷每章之首約舉其文或割入注中如自齊葬魯章論語曰生事之以禮充虞路問章是故知命者不憂不懼人有恆言章本正則立本傾則踣之類或撮附疏末如雪宮章文王不敢盤於遊畋恥之於人大矣章隰朋不及黃帝之類由是章指之名晦矣何義門焯云今刊本趙岐注非全文僞疏每章之首總舉大意其語多協韻者皆割截趙注爲之毛斧季從真定梁

相公借得宋槧本影鈔者具在安得一好古之士重刊以復趙氏之舊也今參校諸本與篇序俱另錄爲卷庶廬山真面先覩爲快焉

孫光憲北夢瑣言曰咸通中皮日休進書請以孟子爲學科其畧曰臣聞聖人之道不越乎經經降而史史降而子不異道者孟子也請廢莊列之書以孟子爲主有能通其義者其科選同明經言雖不見施用論者踰之至宋元祐紹興間旣詔進講復御書刻石詳玉海而朱光庭請取士第二場試論語孟子大義各二道見宋文鑑自是孟子與經並列矣其制科試題則用孟子兼注王明清揮塵錄載一事云

張賢良咸漢州人應茂才過夔州郡將遇之甚厚因問曰
四科優劣之差見於何書張無以對守曰載孟子注中因
綴示之且曰不可不牢籠之也張道中思索著論至都閣
試文論以此爲首題張更不注思而就主文錢穆父覽之
大喜爲過閣第一張卽魏公之翁也葉紹翁辨之曰本朝
六題之制必先經題注疏而後子史以孟子注爲首殆恐
不然曾慥序李賢良秦伯詩云嘗試六題已通其五惟四
科優劣之差不記所出曰吾於書無所不讀惟生平不喜
孟子故不之讀是必出孟子拂袖而出人皆服其博案王
都事畧李觀案泰伯自序其文曰舉茂才罷歸其明年慶
傳亦載此事

歷癸未秋錄所著文云云

案集名退
居類藁

則是張咸與泰伯同

試於慶歷壬午矣是年登科記閣下六題初無四科優劣
一題其四曰經正則庶民興出孟子亦非注文不知曾慥
何以鑒空立爲此題也廣業案岳珂程史云張賢良咸以
紹聖初再試制科宰相章惇覽其策以所對不以元祐爲
非大怒雖得簽書劍西判官以去而科目自是廢矣紹聖
後於慶歷幾四十年許安得與泰伯同試耶岳珂又有媿
郊錄所記制舉科目甚詳其出題之制元祐七年詔祕閣
試制科論於九經兼經正史孟楊荀國語及注內出題其
正義毋出又載閣試舊制論六首出題一篇暗數一篇明

數如紹聖元年閣試舜得萬國之歡心論出史記樂書舜
彈五絃之琴歌南風之詩而天下治夫南風之詩生養之
音也舜樂好之樂與天地同意得萬國之歡心故天下治
也此謂暗數謹事成六德論出毛詩皇皇者華箋注此謂
明數元祐紹聖並哲宗年號然則四科優劣之差論正是
明數安見孟子注不可爲首題也若泰伯所遇孟子題周
公謹固言經正則庶民興不知所出曾慥以爲四科優劣
誠悞然亦非鑿空立是題也考是題今見有事君人者章
章指其文曰言容悅凡臣社稷股肱天民行道大人正身
凡此四科優劣之差此北宋制科以孟子章指命題之證

故詳述之又金史選舉志云養士之地曰太學府學州學
試補學士於經史子內出題孟子用趙岐注孫奭疏可見
金制亦遵趙注自元延祐設科首場經問經疑孟子題專
用朱子集注而趙注日益微矣

趙注今與正義並行者明監本毛氏汲古閣本皆不盡原
文何氏所稱斧季影鈔宋本既不可得訪求積年幸先後
得數善本一爲改注汲古閣本所改悉照宋槧中稱有宋
本小字宋本廖本極其精審後有西堂圖書意爲方氏家
藏也一爲日本山井鼎所輯七經孟子考文及物觀等補
遺亦卽汲古注疏而用古本足利本逐一核對條列異同

他若崇正年金蟠本蟠與葛肅分校十三經世但稱為葛板近刻闕里孔氏

本安邱韓氏本皆專刊趙注者也考文所錄古本問與宋本殊似前於宋足利本往往與小字本同惜印用活板時有差訛孔韓本依宋槧精校且單行便於省讀為功趙氏尤大乃參閱諸本互有得失未忍偏廢因取近是者為主以兩通及岐出者注其下凡百餘處而正義之改竄乖謬脫落太甚者間亦附焉至語助之間異者非一備載考文要無關意義故概從畧云

孟子卷第一○考文詳說古本足利本篇題古本者足利學寫本古博士所

傳唐以前所傳本也足利則本學所印活字板皆有題辭章指而無疏其正德嘉靖萬厯崇正永懷堂諸本通曰今

本而考文一以崇正爲主卽汲古閣注疏也

古本首行孟子卷第一次行梁惠

王章句上三行低二格趙氏注下夾注梁惠王者魏惠王

也云云四行孟子見梁惠王

以後並同

足利本前二行同古本

惟章句上之下有凡七章三字第三行低一格夾注梁惠

王云云四行低三格後漢太常趙岐邠卿注

此行以後並無

五行

孟子見梁惠王與今孔氏韓氏新刊本不同錄之以存古

式音義有凡七章三字宋本無後十三卷放此

王何必曰利。王何必以利爲名乎

古本。今本無必字足利本何作可宋本孔本

韓本並同古本金本同今本。後凡同者不盡注金本卽永懷堂本古本今本襲考文之名也

不日成之。不與之期日

古本。宋本無之字今本作而不與之相期日限金孔本同

鹿鹿濯濯。鹿鹿特鹿也。

古本。特宋作牝案孔叢子陶朱公告倚頓曰子欲速富當畜

五特乃大畜牛羊十年

古之人。言古之賢君。

古本諸本並同

貴擬王公則特爲正

惟宋本作

則無望。

至

鄰國也。而獨望民之多。

宋本。獨古作猶。

無失其時。

○言孕字不失時也。

宋本。字古作子。

頤白者。○頭半白曰頤。

斑斑然者也。

孔本。足利曰作日無然字。宋韓無曰頤二字今無然字。

故斑白者不負。

戴也。

宋本。今斑作頤足利戴下有於道路三字孔韓同足利。

獸相食且人惡之。○古者虎狼之中能常食於禽獸是人所。

惡。今人猶尙惡視之。

足利本。考文云行長可疑。

梁襄王。○魏之嗣王也。

宋本。古足利魏作梁案襄王竹書謂爲今王史記名赫趙不據之而但。

言嗣王蓋已致疑
於襄哀之誤分矣
王知夫苗乎。以苗生喻人歸也。金

孔韓本。古歸作象
考文云恐非宋同

齊宣王二節。欲以仁義首篇。宋本。今孔本
首上有為字然後道齊事

也。足利本。古宋無事字。今金
作齊之事。孔同。足利韓同。今仲尼之徒。頌述必義

宋本。金本。義古作戲。玉海引及足利孔韓同。案五經文
字必下注云。綿一反論語注亦用作必。樣音伏字。本作處

無傷也。無傷於仁。宋本。古作牛。仁
為肥甘五句。故發

異端以問之。宋本。問古作
明之韓作也蓋亦反其本矣。王欲服

之之道。蓋亦反王道之本。宋本。古少上之字。蓋
作盡。韓作益。亦金作當

非能好先王之樂也。先聖王之樂也。宋本。足利無聖
字。今金孔韓同

管籥之音。籥若笛短而有三孔。宋本。古作短
笛。足利籥作簫

古注

文王之囿。文王在岐豐之時

宋本。今金作岐。山孔韓無之字。

寡人好勇。疾在好勇

足利孔本。宋作疾於今作在於。

為民上

至同樂者。人君適情縱欲。

古本。縱宋金作從。

方命。方

猶放也。放棄不用先王之命

古本。宋王作生誤。今金作方猶逆也。逆先王之命案尚

書方命。圯族釋文方如字。馬云放也。徐云鄭王音放。蔡傳始訓為逆。且引王氏曰。圓則行方。則止。袁仁砭蔡編以為

穿鑿。因言古字方放通用。蜀志晉書引古文尚書並作方命。圯族鄭康成謂放棄君命是矣。今此改放為逆。由偽疏

用王氏新義故也。

好君也。非其矜夸雪宮而欲以苦賢者

宋本

金本。今夸作誇。苦作若。古孔並作若。

五旬而舉之。書曰。歲三百有六旬

宋本。今金孔韓歲並作莽。案史記五帝本紀

正作歲。

反其旄倪。○旄老旄也。宋本。○今金下旄作耄。案禮記釋文八十九曰旄注本亦作耄。則通用也。

也

臧氏之子。○臧倉小子。古本。○今金作臧氏之子。足利孔韓作臧倉小人。

配義與道。○道謂陰陽大道。宋本。○今金無此句。知足以知聖人。汗

○孟子知其言太過故貶謂之汙下。經典稽疑云因學紀聞引趙注如此與今

本異蓋所見者古本後復刪去耶惜哉廣業案趙注此二句見豈惟民哉節下今諸本皆有陳氏蓋看前不看後耳周平園跋孔仲良告身石刻引趙注云前聖不得相踰門弟子之言太過則與今小異鶴山集汙字連上知聖人讀

趙注 正用

大舜有大焉。○大舜虞帝也。今本。○考文謂古本脫帝字金孔韓本同今

望望然去之。○望望代之慙愧之貌也。宋本。○今金代之作然孔韓作去之考文

云古本作伐後改爲代俱不可解足利本作去近是廣業案代之謂代冠不正者抱慙故去之也於義爲長

王餽兼金一百。古者以一鎰爲一金鎰爲二十兩。宋本張

孟子說同。今作一鎰是爲二十四兩也故曰兼金一百

百鎰也案巨室章萬鎰注二十兩爲鎰正義據國語非之

禮部增韻曰國語二十四兩爲鎰趙岐孟康俱云二十兩

鄭康成云三十兩孟康見漢書食貨志黃金以溢爲名注

下孔韓本作鎰二十兩也考文云古本作鎰二十兩足利

本鎰二十四兩二本並無故曰以下九字金本故曰作故

謂之集注彙纂曰字書鎰益同數登於十

則滿又益倍之爲鎰則二十兩者爲有義

故從而征之。周禮有關市之稅也。古本。足利

是何濡滯。濡滯孰稽也。古本。宋作淹久今同考文云古

足利同今本孔作猶稽韓作孰稽案禮記濡肉之濡音濡

濕也濡脉之濡音而烹也義皆近孰則以孰訓濡以稽訓

滯宜怪其孰久作淹孔同宋韓作孰

於崇。崇齊地。

宋本。今金作地名孔韓同。

滕文公章句上。○文公尊敬孟子問以古道若弟子之問師

故以題篇

古本宋本。今文公下有於當時三字古道下作衛靈公問陳於孔子論語因以題篇無若弟

六字金孔韓同案文選注引趙注云滕文公尊敬孟子若弟子之問師與古本正合

滕文公為世子。○滕國有考公麋

宋本。古考作孝諸本及孫音義並作考

齊疏。至之食。○齊疏齋縗也。飫廢粥也。

齊從宋本餘作齊縗從古本餘作衰禮部

增韻亦作縗縗今作縗孫氏及廖本亦作廢音義與縗同

則寡取之。○而反以常數取之。

今本孔本。古數作類金韓取上有少字

使老

者。至溝壑。○老少轉尸溝壑。

宋本。今少作小孔同韓尸下有乎字

惟助

為有公田。○猶殷人助者。

古本。今猶作獨韓作惟餘皆作猶

圭田。○士

田故謂之圭田

今本孔韓本。諸本土作上考文云恐非金作土案禮記圭田無征鄭注引孟子而

云此即周禮之士田地官載師士田注士大夫之子得而耕之田也則士為是劉氏七經小傳謂載師士田當改土

田鑿也死徙無出鄉。徙謂爰土易居平肥磽也。宋本。爰作

受平作也金本平作于並誤案漢書食貨志民受田上田夫百畝中田夫二百畝下田夫三百畝歲耕種者為不易

上田休一歲者為一易中田休二歲者為再易下田三歲更耕之自爰其處注孟康曰爰於也師古曰更互也鄭司

農注周禮司徒亦然言於土之肥磽更易其居使均平也又漢書地理志孝公用商君制轅田之法注孟康曰三年

爰土易居古制也末世浸廢商鞅相秦復立爰田上田不易中田一易下田再易爰自在其處不復易居也食貨志

自爰其處是也轅爰同案集注謂徙居固非四書逸箋誤認俗本為古注因云着受田二字好蓋井田之法不受田

則不易居無輕徙者此皆未理會漢書者也說文作𡙇田易居也𡙇亦與爰同何休公羊傳注井田之法司空謹別

田之高下善惡分上中下三品肥饒不得獨樂瘠塉不得獨苦故三年一換主易居財均力平是謂均民力

所以別野人也。所以別於士位者也。古本韓本○諸本位並作伍

曰自織之與。孟子曰許子自織素與。宋本○今金闕許子奚為

不自織。許子何為不自織素乎。古宋本○今無害於

耕。織妨害於耕。宋本○今妨放勳。放勳堯名也。遭

水災恐其小民放僻邪侈故勞來之。古本○今名作號災

號案堯名放勳本史記之說路史注引王安石曰放勳堯

號也見孟子然則正義改名為號正用王氏解何義門之

言不誣也秋陽。周之秋夏之五月六月。古本○今金無上

之字馱舌。馱搏勞也。宋本○搏古作搏諸本同金有鳥

文搏音博又音伯則當手旁舍矢如破。一發貫臧。古本○足利

是焉得為大丈夫乎。○男子之道當以義匡君

古本。諸本匡並作正案

匡為宋太祖諱故改為正然則考文所稱古本果宋以前本歟宋本遇恒字皆缺末筆避仁宗諱

仕如此其急也。○而不知其急若此若此君子何為難仕小

宋本。宋及今金無下若此字諸本俱有

毀瓦畫墁。○其意反欲求食

古本。意宋金作志諸本同古

載十一征。○再十一者湯再出征十一國

古本。今金者湯作征而言孔同古

無出字

為匹夫至讎也。○為一夫報仇也

宋本。今為一夫報仇也

大

誓曰。○古尚書百二十篇時大誓也

漢書藝文志孔子纂書上斷於堯下訖於

秦凡百篇儒林傳張霸作百兩篇即百二篇也與此云百二十篇者異孔穎達尚書正義云鄭康成作書論依尚書緯云古書三千二百四十篇孔子刪定者百二十篇以百二篇為尚書十八篇為中候與趙說合王應麟漢法考引

之

眾楚人咻之。○楚眾人咻之。

古本。今作眾。楚金孔韓同。

由是觀之。

至

己矣。○由是觀曾子子路之言。

今本。曾宋作君。

下者為巢。○埤下者於樹上為巢。

古本金韓本。金孔埤作卑案卑與埤同。

書

曰洛水警余。○尙書逸篇文。

嘉靖本見考文諸本文作也。

離婁章句上。○離婁者古之明目者蓋以為黃帝時人也。

宋本

○今金帝下有之字孔無上者及蓋以為三字韓并無下者字文選注引此卻有蓋字

三代之

至

以仁。○三代夏殷周。

古本。宋及諸本殷作商案殷為宋宣祖偏諱故改為商

益知考文所稱古本前乎宋也

愛人不親節。○己仁猶未至邪己智猶未足邪己敬猶未恭

邪足利本。宋本智猶猶字作獨今三猶字皆作獨孔韓同足利金本惟智猶作猶餘作獨

天下國家。家謂卿大夫之家也。宋本。古無之字。孔韓無之家二字。

不責善。不欲自相責以善也。宋本金本。小字宋本足利本無相字。韓同孔并無也字。

失其身。失仁義。宋本。今金作失。不義足利失作夫。

有不虞之譽。有不度其將有名譽而得者。宋足利本。將古作時。今金同。

金度上

有虞字

徒枉成。可以成步渡之功。宋本。古作步度。今金作涉度。孔韓作步渡。

然後收其田里。乃收其田萊及里居也。宋本。今萊及作業也。足利作乃收。

其田里田萊及里居金本乃收其田里田業也。案周官遂人頒田里每夫受廬及田萊又載師以廬里任國中之地。

縣師掌郊里辨田萊之數注云萊謂休不耕者郊內謂之易郊外謂之萊。孫氏音義作田萊丁云萊謂菜地菜之言。

采也禮曰大夫有采以處其子孫

無罪而殺士○鳶鵲蒙害仁鳥會逝

宋本○今金曾作增古作會遊○案二語出漢

書梅福傳鳶作鵠又王逸九思元鶴兮高飛會逝今青冥注一作增逝

禹惡

至

善言○禹拜讜言

宋本○今金讜作昌足利同禹聞善言則拜注古宋並作讜今作善

望道而未之見○殷錄未盡

宋本○今錄作祿金孔韓同

予未

至

徒也○恨不得學於大聖也

古本○今金作蓋恨其不得學於大聖人也足

利同但無人字

逢蒙學射於羿○羿有窺后羿

古本○宋作窮今金韓同餘作窺案窺字見說文邑部从

邑窮省聲夏后時諸侯后羿國也作窮者非

天下之言性節○言天下萬物之情性當順其故則利之也

改戾其性則失其利矣若以杞柳為栢棬非杞柳之性也

古宋諸本並同今金作今天下之言性則以故而已矣以言其故者以利為本耳云云考文所謂此注大異者也

此亦妄人也已矣○妄作之人無知者

宋本○足利無知上有為字韓作謂

若夫君至已矣○君子之行本自不致患

今孔本○宋常患作意似誤

行仁行義

古本○宋少下行字金義作禮韓作當行仁義

是則章子已矣○是章子之行已矣何為不可與言

宋本古本○今

金並闕

修我牆屋○治牆屋之壞者

今本○宋壞作壞似誤

帝將胥至之焉○堯須天下悉洽

古本○宋金治作治

五十而慕者

○三十在位

宋本○三今作五古作二足利金孔韓作三

詩云取妻如之何。詩齊風南山之篇

宋本。古風作國。足利作齊國風。孔韓同。

古金同宋

張朕。天子曰彤弓故賜之彤弓也。

宋本。古彤作彤。案荀子大畧篇天子彤弓諸

侯彤弓大夫黑弓禮也。楊倞注彤謂彤畫為文飾。彤弓朱弓。何休公羊注禮天子雕弓諸侯彤弓大夫嬰弓士盧弓。

則當作彤。孫奭以彤為誤是也。

身為天子。身既為天子。

足利本。宋無既字。今金既下有已字。

夔夔齊慄。戰慄以見瞽瞍。

宋本。孔慄作栗。

否不然也。

言人有章。

否不也不如人所言。

宋本。足利今金並闕。

退以義。退應義。

宋本。今應作以金孔韓同。

目不視惡色。孟子反覆嗟伯夷伊尹柳下惠之德。

古本宋本。今

嗟作差孔韓同案二字並通金作言至於數四宋本。四金聲至之也。

故如金聲之有殺古本。金聲含五德而不撓也宋本。今含作

合五作三
金孔韓同

卿祿四大夫。大夫祿居於卿祿四分之一也。小字宋本。宋無此十二

字疑脫
諸本有

其交也以道。言其來求交已以道理。古本小字本。宋作

已交求。於今為烈。於今為烈然明法。古本。宋作烈烈

辭尊居卑。辭尊富者。諸本同宋抱關擊柝。柝行夜所

擊木也。集注訛作夜行案周禮司寤氏夜士

猶欲其入至門也。閉門由閉禮也。宋本。今孔由

則易位。更立親戚之賢者。

今本。賢古本。宋本。孔本作貴金韓同。今本。

曰君

有過則諫。諫君不從三而待放。遂不聽之。則去而之他

國也。

古本。宋本。不從六字。今金作反覆。諫君而君。孔韓本三作去案。公羊宣元年。晉放其大夫胥申。父於衛。

傳云。放之者何。猶曰無去是云爾。古者大夫已去三年待放。君放之非也。大夫待放正也。白虎通諫諍篇。援神契曰。三諫待放。復三年盡。倦倦也。言放者臣為君諱。若言有罪放之也。所諫事已行者。遂去不畱。凡待放。冀君用其言耳。事已行。舊咎將至。無為畱之也。臣待放於郊。君不絕其祿者。示不欲其去也。鄭康成詩。檜風羔裘。箋儀禮上喪。禮注並云。三諫不從。待放而去。王逸楚辭序。七諫古者人臣三諫不從。退而待放。與此趙注俱用。此事正義為刪改。謬甚。孔韓作去而待放。亦未安。考文又云。古本遂讀為逐。義可疑也。夫放出於君。且不可乃加以逐乎。不若讀如字為得。

將戕賊杞柳。將以斤斧殘賊之。

宋本。今無以字。金孔韓同。

民之秉夷。○民之秉夷夷常也。

宋本。今注二夷作彝考文云古本本文作夷足利文同

今本注同古本參差不一如此據其言則足利本本文作彝矣今本本文注並作彝

今夫麋麥。○貽我來麋。

宋本。來古作麥

猶芻豢之悅我口。○草

性曰芻穀食曰豢

古宋本。今金並脫此八字考文云性恐牲誤案正義述此二句亦作牲禮記

按芻豢注曰養牛羊曰芻犬豕曰豢釋文云因所食得名則不得食草者獨稱牲也孔韓本性作食蓋依集注食草

之說韓穀食作穀養

一心至

將至。○其一人念欲射鴻鵠。

宋本。今金念作志古本志下有念字足利同

未

飲食之人。○亦為懷道者也。

宋本。今金作亦以懷其道德也古本德下有者字足利本德

也作者也孔韓同宋亦有德字

此天至我者。此乃天之所以與人情性宋本。諸本無異。惟孔韓本此作比。

注此乃作比方。金韓無之字。

必志於殼。○羿古之工射者。殼張也。弩向包的者。用思要時

也。宋本。今工作善。又云殼張弩付的者。金同孔韓。作向案考文不言古本足利本有包字疑向之誤而重出也。

孟子曰於。○於音烏歎辭也。古今本並同。漢儒注經惟云某讀若某未嘗有音至王輔嗣

注易始言某音某者二趙氏不應獨出此音案孫氏音義云丁張並音烏歎辭也疑此六字後人以丁張之文驛入

趙注也互詳劉注。金重於羽者。○金重於羽謂多少同而金重

耳帶鉤之金豈重一車羽耶。今本。宋無謂多少至車羽十八字疑脫廖本孔本俱有

古本車作輿金韓本帶上有一字

誦堯之言。○堯言仁義之言。今本。宋仁作行孔同。

儲子得之平陸。○但遙交禮。今本。宋遙作遊金禮作越。

王豹處於淇。○故曰處於淇。宋本。今作處。淇水。金孔韓同。

敬老慈幼。○敬老愛少。宋本。今少作小金孔韓同。

發於聲。○若甯戚商歌。宋本。古商作高誤。

容光必照焉。○容光小卻也。宋本。今卻作却。孔韓同。蓋依孫音義。金同。宋。

以其小者。○何可以其小廉信以為大哉。今本。宋小作不恐誤。

唯聖人至踐形。○不言居色主名尊陽抑陰之義也。古本。不言六

字今作不言居而言踐足利金同案注以形屬君子色屬婦人故以踐形為尊陽所改非是

愛之而弗仁。○當愛育之而不加之仁。今本。金本。古宋作而不知人仁足利作

而不得與人同孔知作如考文以古為非

虎賁三千人。虎賁綴衣。

宋本。今綴作贅。金孔韓同。

寧爾也。我來

安正爾也。

宋本。今正作止。金孔韓同。

若崩厥角。額角犀至地也。

今本。宋無額角字。韓犀作犀。至作厥。文選陸倕石闕銘

厥角稽顙。注引作厥角叩頭。以額角厥地無犀字。案鄭語

史伯曰。惡角犀豐盈而近頑。

童窮固韋。注顏角有伏犀也。

然則非自殺之也。與自害其親何異哉。

宋本。今害作殺。金孔韓同。

能讓千乘之國。輕讓千乘子臧季札之儔是也。

宋本。子臧今作伯。

夷儔作類。案伯夷清聖。豈好名之人。正義泛引史記解之。

殊無謂子臧季札事詳左傳。孫盛泰伯三讓論三以天下

讓言非常讓。若臧札之倫者也。潘岳西征賦。臧札飄其高

厲。委曹吳而成節。蓋季札自言願附子臧。故後人每並稱

之。然後書丁鴻傳。鴻父繼卒。當襲封陽。狂逃去。鮑駿讓之

曰。昔伯夷。吳札亂世。權行故得申其志。則夷札要自有本

伯夷。

至是也。柳下惠之和。

宋本。和古作厚。

聞者。

至起也。諭

聞尚然

古本。諭宋作諭。今金作喻。孔同。古。

孔子之去魯章。遲遲接浙說已見上篇言矣。此不復說焉。

宋本金本。古無言矣。下七字。足利作遲遲接浙註義見萬章曰首章。孔韓同。

耳之於聲也。耳之樂五音

宋本金本。古五音作音聲。孔韓同。

四肢

至佚

也。四體謂之四枝

宋本。今枝作肢。金孔韓同。

來者不拒。來者亦不距逆

宋本。今距作拒。金孔韓同。

經德不回。行其節操自不回邪

今金本。宋脫操自。今金本。宋脫操自。今金本。宋脫操自。

如琴張。師也。僻

宋本金本。今僻作辟。孔韓同。蓋依論語考文所據。古本論語亦作僻。

案正義自言崇文總目獨存趙陸二家。今校定仍據趙注。

為本然諦觀其書實不盡依原注。就諸本校之外誤者百

餘處此非盡傳寫之誤明矣其題孫奭撰朱子已辨之謂是邵武士人所作何義門云僞疏直取宣公音義之序補竄數語豈有爲之正義體大力艱僅同附贅者乎其人蓋兔園塾師之下者議論多依附王氏新學熙寧後人也廣業案正義首稱崇文總目宗古卒於仁宗初年踰七十其與邢昺等奉詔校諸經正義在眞宗卽位之初其著孟子音義在祥符五年而引張觀王堯臣等所輯之書

宋史藝文志仁

宗命翰林學士張觀等編四庫書錄爲崇文總目又王堯臣歐陽修崇文總目六十六卷文獻通考云皇祐時命王堯臣等作崇文總目僞已顯然且音義備採張鑑丁公著皇祐仁宗末年號也

之說其序云詳二家撰錄俱未精當張多漏畧丁有譌謬

而正義獨言趙陸又其僞之僞者不知當時晁子止王伯厚諸公何由俱被瞞過也

經義考曰趙岐注孟子多引舊事證之如曰殀若顏淵壽若邵公有不虞之譽尾生本與婦人期於梁下不度水之卒至遂至沈溺而獲守信之譽有求全之毀陳不瞻將赴君難聞金鼓之聲失氣而死可謂求全其節而反有怯弱之毀者也非禮之禮若禮而非禮陳質娶婦而長拜之也非義之義若義而非義藉交報仇是也其爲人也寡欲雖有不存焉者寡矣謂遭橫暴若單豹卧深山而遇饑虎之類其爲人也多欲雖有存焉者寡矣謂貪而不止若晉國

藥厲之類岐之所引書偶失傳使正義出於宣公必能元
元本本卽或不然亦當云未詳爲是乃不曰據史記之文
而言之則曰此蓋史傳之文而云然未免疎矣至詮西子
按史記云西施越之美女越王句踐以獻之吳王夫差大
幸之每入市人願見者先輸金錢一文考史記並無其文
不知何所依據朱子謂正義是邵武士人作似有可疑不
若音義之眞也廣業案論衡氣壽篇云邵公周公之兄也
至康王之時尙爲太保出入百有餘歲矣又云傳稱邵公
百八十此壽若邵公之說也尾生見戰國燕策莊子盜跖
篇史記蘇秦傳陳不墮見新序義勇篇作陳不占在齊崔

杼紘莊公時

太平御覽引韓詩外傳同

劉向九歎陳不占戰而赴圍卽

其事也漢書人表亦作陳不占單豹見莊子達生篇藥廩

見左傳事皆易曉惟陳質藉交費解耳案史記貨殖傳閭

巷少年借交報仇篡逐幽隱實皆爲財用耳游俠傳郭解

少時陰賊以軀借交報仇漢書朱雲少時通輕俠借客報

仇師古注借助也音子夜切孫氏音義藉慈夜切義與借

同則藉交卽借交也陳質疑是奠贄之義

音義滕文公下載質張音贄云

義與贄同萬章下傳贄亦讀贄

董子繁露五行相勝篇云營蕩爲齊司寇

太公問治國之要曰任仁義而已愛人者有子不食其力

尊老者妻長而夫拜之太公曰是以仁義亂齊也乃誅營

蕩此又拜妻之證也

拜妻已非禮王安石孟子解改爲娶妻而朝暮拜之因言此中人所不爲

議趙失孟子之意可謂故入人罪

孫音義云質本亦作賈恐非輸金錢事

雜記謂出趙注從而辨之然今注並無此文而正義乃竟詭言史記其妄明矣

詩小弁正義引趙注過大矣而孝子不怨以越人遇其親是愈疏也又云孔子之善辨知高子譏小弁爲不達詩之意也宋本無以越人及孔子句太平御覽引所謂故國章注世臣先世舊臣也王者當有累世修德之臣云云宋本無先世至王者七字又引廬無夫里之布注周禮曰宅不毛者有里布田不耕者出屋粟凡人無職事者出夫家之

征衰代由是之重故孟子欲反則寬大去里布也宋本無
衰代句及反則寬大四字蓋御覽所錄皆唐以來舊本也
考工記正義引貢者校數歲之中以爲常注民供奉之有
易有不易故謂貢爲莫不善也下云孟子本爲莫不善於
貢今注有無不字者蓋轉寫脫耳是賈所見寫本如此宋
本足利本作故謂之莫不善也古本作故謂之莫不善於
貢也文又與正義小異文選魏都賦有晬其容劉逵注引
趙岐曰晬潤澤貌也李善注今本趙云晬潤澤貌見明初
翻刻元
人本近汲古
本無李注二本無異據明刻六臣注劉良曰晬容溫澤
之貌也疑逵本作溫澤故善覆引之歟此可見晉本唐本

之別宋本又作晬然潤澤之貌韻會礧磧也一曰激也孟

于是不可礧也舊注石激水曰礧

案說文廣韻同此解

故激曰礧感

激亦言礧感監韻礧字舊注礧激也設今本趙云礧激也

與監韻同則亦設也晁迥法藏碎金錄引雖有不存焉者

寡矣注然而寡少也今本作然亦少矣集注丹之治水也

引趙氏曰當時諸侯有小米白圭爲之築堤壅而注之他

國今無築堤壅注他國語又此天之所與我者集注云此

舊本多作比趙注亦以比方釋之今本旣多作此注亦作

此是又北宋本與南宋本之別此類甚多姑舉一隅焉

宣公音義所載丁氏音最多張次之間取諸陸無及趙者

陳士元古今韻分注於古韻轉音載趙岐讀者九字寒韻

浼轉音瞞引爾焉能浼我哉趙岐讀毛氏韻增

案孫音義張莫罪切

丁亡刪韻瞞轉音閑覘也孟子瞞夫子又作覘趙岐讀尤

韻醜同覘孟子地醜德齊注醜類也趙岐讀如雒

案孫無音又

衆楚人咻之音休紙韻底音紙孟子引詩周道如底

孫履切

語韻臧倉沮君沮音且慶韻卑踰尊疎踰戚踰音羽薺韻

止或尼之尼音禰號韻反其旄倪旄音帽以上皆云趙岐

讀心叔嘗輯孟子雜記趙氏音讀當自有據然陸筠翼孟

音解未之及惟韻會引齊卽齊字

俱見前

似之實不能得其

詳也

漢鄭元孟子注

隋志七卷

舊唐志同

案後漢書元字康成北海高密人入關事

扶風馬融辭歸融謂門人曰鄭生今去吾道東矣會遭黨

錮隱修經業時何休好公羊學著公羊墨守左氏膏肓穀

梁廢疾元廼發墨守鍼膏肓起廢疾義據通深古學遂明

靈帝末黨禁解大將軍何進辟之幅巾入見一宿逃去時

年六十弟子數千國相孔融深敬元告高密縣爲立鄭公

鄉廣開門衢號通德門大將軍袁紹舉茂才表爲左中郎

將皆不就公車徵爲大司農建安五年卒年七十四凡元

所注周易尚書毛詩儀禮

唐史承節撰墓碑銘此下有周官

禮記論語

經尚書大傳中候乾象厯又著天文七政論魯禮禘祫義
六藝論毛詩譜駁許慎五經異義答臨孝存周禮難凡百
餘萬言

水經注元注五經纖緯
候厯天文經通於世

案鄭注遍考未得就所注六經言之中頗多稱引孟子而
自爲詮釋者要祇依經立義不可卽謂之注孟而唐人正
義每遇注有孟文輒全取趙岐注繫之初不及鄭則知其
書亡佚久矣昔孔穎達之疏詩也謂鄭注三禮周易中候
尚書皆大名在下一題識之微猶詳述之如此安有孟注
現存反忍割棄者乎抑更有疑者是注不見本傳章懷謂
謝承書載元所注書與此畧同不言注孝經惟此書獨有

也則謝承亦無孟注可知夫二史既絕不道唐儒復不得見隋志果何據而錄之耶且如孝經載在范書東晉嘗置博士而齊陸澄與王儉書已云觀其用辭不與注書相類且元自序所注衆書亦無孝經唐劉知幾舉十二條證非康成注宋邢昺孝經正義辨非鄭注有十二驗其所述鄭志鄭記晉中經簿春秋孔演圖等書甚詳既無孝經亦無孟子然則世有孟注非出鄭手從可知矣但隋志並不言殘闕宜其書尙有存者而竟不獲片語之傳實稽古憾事也

通志藝文畧作鄭氏注避聖祖諱也北監本汲古本作鄭亢此由宋時避其字改爲元寫刻者遂訛爲亢三遷志以范書鄭傳不言注孟乃疑隋志字訛而據監本作鄭亢注洵如所云亢何許人其注又安在耶四書逸箋亦誤

作鄭亢

漢劉熙孟子注

隋志七卷

舊唐志同

案熙亦作熹

文選注引李登聲類熹與熙同

字成國北海

人仕安南太守嘗居交州汝南程秉與之考論大義遂博

通五經沛郡薛綜亦從學焉晉伏滔論青士有才德者東

漢終於劉成國

隋志大戴禮記十三卷梁有後漢安南太守劉熙注亡考續漢志無安南郡疑是汝

南以字形相似而說或云南安誤倒也程秉汝南南頓人

逮事鄭元後避亂交州與劉熙考論大義遂博通五經薛

綜沛郡竹邑人少依族人避地交州從劉熙學並見吳志

時士燮為交州刺史中原人士往依避難者百數意熙罷

守後即往交州因授徒講學於此也秉初為士燮長史孫

權徵拜太子太傅建安十五年燮歸附孫氏綜亦被召歷

官交趾太守而熙所著釋名孫皓時韋昭始得見之是熙

終老於交州其沒當在吳赤烏黃龍間伏元度敘後漢青

州人物成國居殿在
禍正平之後可證也
有大戴禮記注早佚
經義考不載
孟子注

亦不存經義考謂文選注三引之今搜得三十餘條

王曰叟。叟長老之稱依皓首之言

史記集解亦見孟子正義

沛然下雨。霈然注雨貌

華嚴經音義。案漢書王莽傳雨如注

為長者折枝。折枝若今之案摩也

後漢書注。案此見張皓王龔傳論豈同折枝

於長者曰不為為難乎下經典稽疑所引同毛奇齡四書

改錯引云劉熙注案摩不為豈是難能正孟子之解未知

所據何本。案趙注折枝案摩折手節解罷枝也少者恥

見役故不為耳劉峻廣絕交論折枝舐痔本此鄭注禮記

內則抑搔曰即案摩也屈抑肢體調和血脈乃少事長賤

事貴之常禮即導引之法也韓詩外傳載扁鵲治號世子

尸歷之病使子明灸陽子游案摩子儀反神子越扶形是

也漢志有黃帝岐伯案摩十卷莊子熊經鳥伸華佗六禽

之戲曹植五槌之鍛皆用此術正義既絕無發明而陸善

經直以折草樹枝解之夫折草樹之枝誠易也與長者何

孟子四考

卷三

三

涉乎且草安得有枝陸筠翼孟以磬折腰肢解之差近○
號世子說苑作趙太子炙陽作吹耳案摩作矯摩史記扁

鵲傳矯引
案杭即此

齊宣王見孟子於雪宮○雪宮離宮之名也

選注○案劉注有與趙同者劉

雖後於趙未必相襲當是不謀而合也
學者見無甚異遂舍之而孤行趙矣

吾王不遊吾何以休吾王不豫吾何以致○春遊曰遊秋遊

曰豫馮惟訥詩紀張之象古詩類苑○案白帖引文選春
遊以發生啟諸蟄於潛戶秋豫以收成觀豐年之多

稼餘詳
異本

鄒與魯闕○闕構也構兵以闕也

孫音義

冉牛閔子顏淵則具體而微○體者四支股腳也具體者皆

微者也皆具聖人之體微小耳體以喻德也

選注

孟子去齊宿於畫○畫齊西南近邑畫音獲史記集解○案

王蠋下字本作畫亦作澮水經淄水篇注時水逕杜山北
有石梁水又有澮水注之水出時水東去臨淄城十八里
所謂澮中也俗以澮水為宿留水西北入於時水孟子去
齊三宿而後出澮故世以此愛水名也水南山西有王歎
墓晉樂毅伐齊賢而封之歎不受自縊而死歎即蠋字異
也後漢書耿弇進軍畫中注云畫中邑名胡麥反故城在
今西安城東南有澮水因名史記建元以來侯表澮清侯
索隱曰澮音獲水名在齊又音乎卦反又正義引括地志
云澮邑因澮水得名然則畫與澮畫字體雖異為邑為水
音皆為獲未有讀陟救切者羅泌路史國名記引風俗通
云畫齊大夫封邑有畫氏孟子所宿者畫故畫城在西安
城南有澮水耿弇進軍畫中者胡麥反或云臨淄畫邑水
誤臨淄乃畫據其說似孟子作畫為誤而史別有一畫邑
矣考水經注澮水又見瓠子水篇云時水即瓠水也京相
璠曰今臨淄唯有澮水西北入泲即地理志之如水形如
聲相似然則澮水即瓠水蓋以澮與時合得通稱矣自西
安城西南分為二云云史記樂毅初入齊聞王蠋賢令環
畫邑三十里無入台之道元所云歎墓在澮水南是澮水

古注

三

即在畫邑明矣路史強為分別毛奇齡作經問遂云畫邑
在臨淄西南孟子所宿畫邑在臨淄西北三十里王歆所
封不知史所謂三十里乃就歆所居四面計之豈受封之
邑境乎周密齊東野語曰高郵老儒黃彥知嘗謂孟子三
宿出畫讀如晝夜之畫非也史田單傳燕初入齊聞畫邑
人王蠋賢劉熙注云齊西南近邑音獲故孟子三宿而出
時人以爲濡滯也此說甚新而有據然予觀說苑則以爲
蓋邑人王蠋齊有蓋大夫王驩而陳仲子兄食采於蓋其
入萬鍾則齊自有蓋邑又與畫邑不同今通鑑畫音司馬
康釋音胡卦切亦曰西南近地復不音獲何耶觀草窻之
論知讀陟救胡卦二切者並非但胡卦之音本史索隱故
宋禮部增韻於麥卦二韻互注胡麥胡卦兩切而卦韻又
注云俗作畫說而書讀如字或曰畫當作畫音獲考史文並
地亦用劉說而至說苑蓋邑係傳寫之訛觀奉使篇云昔燕
末嘗作畫也至說苑蓋邑係傳寫之訛觀奉使篇云昔燕
攻齊王歆絕頭而死於杜山則在畫邑甚明○舊說音切
起於孫炎炎係康成門人康成注經未嘗有此例也今觀
獲音及後搜力頭切皆出於劉以上文畫齊西南近邑搜
牽也趙劉並同裴駰李賢不引趙而引劉者正兼取其音
切也劉孫雖同時人而劉較前於孫則謂音切始創可也

周人百畝而徹。○家耕百畝徹取十畝以爲賦也。邢昺正義

蓋歸反藁耜而掩之。○藁盛土籠也。陸德明詩經篇釋文

爲之詭遇。○橫而射之曰詭遇。選注

景春。○景春孟子時人爲縱橫之術者。選注。漢藝文志兵陰陽家有景子十三

篇疑卽此人

脅肩諂笑。○脅肩竦體也。選詩注

病於夏畦。○今俗以二十五畝爲小畦以五十畝爲大畦也

選詩注史索隱。案說文曰五十畝爲畦

沛澤多而禽獸至。○沛水草相半。後漢書注。半韻會作生。

知我者至春秋乎。○知者行堯舜之道者也。罪者在王公之

孟子四考

卷三

三

位見貶絕者

集解

陳仲子

至

螻食實者過半矣。陳仲子齊一介士也螻蟲也

李實有蟲食之過半言仲子目無見也

選注

彼身織屨妻辟纊以易之也。○仲子自織屨妻紡纊以易食

也緝績其麻曰辟練絲曰纊也

選注案趙注練麻曰纊說文纊布縷也从糸盧聲皆

與此異釋文云西州人謂績為緝。案此二條見張景陽

維詩注孟子章句曰陳仲子云云劉熙曰云云據之則劉

滄浪之水清兮。○滄浪水色也

文選塘上行注一本無劉熙

注無之三輔黃圖舊圖云未央宮有滄池言池水蒼色故

曰滄池則滄政言色宋蘇子美於吳下作滄浪亭取此避

暑錄話謂滄浪地名非水名不當以名亭非也盧學士曰

易震為蒼筤竹古詩東門行上用倉浪天皆以其色為言

與滄浪同義宋書豔歌何嘗行上慙
滄浪之天即用滄浪二字更可證

其良人出。婦人稱夫曰良人

選注此文四見

使浚井出。舜以權謀自免亦大聖有神人之助也

集解

舜避堯之子於南河之南。

正義引有南河二字

九河之最在南

者

集解

夫然後之中國踐天子位焉。天子之位不可曠年於是遂

反格於文祖而當帝位帝王所都為中故曰中國

集解。案趙注

南河之南遠地南夷也故言然後之中國較劉為長

舜薦禹於天十有七年。若然則舜格於文祖三年之後攝

禹使得祭祀與

集解

禹避舜之子於陽城。陽城今潁川陽城是也。

集解。地理通釋。劉熙云。

潁川陽城今屬河南

益避禹之子於箕山之陰。崇高之北。

集解。案續漢書郡國志潁川郡陽城有

嵩高山補注引孟子注云嵩高之北字作嵩史記正義亦引作嵩韋昭國語注云嵩古通用崇字案後漢書靈帝紀熹平五年復崇高山名為嵩高山注引前書武帝祠中嶽改嵩高為崇高然則熙注孟時尚名崇高也

生之謂性也。至猶白玉之白與曰然。○孟子以為白羽之白

性輕白雪之性消白玉之性堅雖俱白其性不同問告子

告子以為三白之性同。

選注。雪性消消當作清朱彝尊亞聖廟碑詞曰大人貌之白羽之

白輕兮萬鍾棄之白雪之白清兮楊墨距之白玉之白貞

兮可證玉性堅與趙注同意林作白玉白性貞案謝惠連雪賦白羽雖白質以輕兮白玉雖白空守貞兮正作貞詳拙著意林補注

牛山之木嘗美矣。南小山曰牛山。續漢志注。案此見齊國臨菑城下引孟子注。

知是劉者以前嵩高之北與裴正同也。趙注則云齊之東南山閭百詩以為岐在複壁中。注方向少錯是也。水經注

一名南郊山

踰東家牆而樓其處子。樓牽也。力頭切。選注下同。案通志六書畧婁即侯

切說文空也从母中空之意。一曰務也。臣案此與孟子樓則妻之樓同。婁是本文挑婦人也。

魯欲使樂正子為政。樂正姓也。子通稱也。名克。案樂正子已見離婁

上據注引在褚淵碑文孟軻致欣於樂正下因之

其所以異於至幾希。○當此之時，舜與野人相去豈遠哉？

摩頂致於踵。○致至也。案此見江文通上建平王書剖心摩踵注引孟子曰墨子兼愛摩頂致於

踵。劉熙曰致至也。又任彥昇奏彈曹景宗自頂至踵注孟子曰墨子兼愛摩頂致於踵。趙岐曰致至也。據此則趙劉

所有之本注並同矣困學紀聞言選注引趙岐作致於踵
今本作放踵注無致至也三字孫音義放踵下據丁氏云
方往切至也是唐宋本已皆作放今考文選劉峻廣絕交
論皆願摩頂至踵注引孟子摩頂放踵趙岐曰放至也同
在一書所引互異可見趙注本唐世已有其二非至宋始
作放踵也又文選洞簫賦注引毛萇詩傳顏叔子納隣之
妾婦使執燭放乎平旦事下引趙岐孟子章句曰放至也
方往切今惟放乎琅邪注中有放至也三字而無方往切
蓋此音切出於李氏也至摩頂放踵注直云摩突其頂下
至於踵為致為放莫可究詳矣宗炳明佛論撫頂至足盧
照鄰悲今日曰摩頂至足墨突何時有煙又以踵為足晉
書王坦之傳磨頂之甘南齊書隱逸傳贊磨頂滅踵則又
可作磨。此注據成化汲古
二本六臣本作放無於字

不以三公易其介。介操也

猶棄敝屣也。屣草屨可履

案屣古今本並作蹠蹠本當作
屣選注引劉作屣其義同也

愛而不敬獸畜之也。愛而不敬若人畜禽獸但愛而不能

敬也

獻猶軒軒在物上之稱也

槽者齊俗名之如酒槽也

隱度也括猶量也

以上三條不知所繫案孟子無獻槽隱括字獻疑在饋孔子蒸豚下鄭氏周禮注古

者致物於人尊之則曰獻通行曰饋則因饋及獻未可知也槽疑槽字之訛說文作蠹蠹也羅願爾雅翼云蟻蟻說酒槽以齊俗所名故謂之蟻蟻也羅括見郭有道碑注引孫卿子曰鉤木必待隱括然後直劉熙孟子注云云隱字注又見座右銘今荀子作槩括趙岐孟子篇敘有隱括字然不應有劉氏注也

晉綦毋邃孟子注

隋志注梁有孟子九卷綦毋邃撰亡

經義考引七錄作孟子注隋志因連上劉

熙言省
注字

舊唐志七卷案綦母復姓左傳有晉大夫綦母張

見廣韻母字注

綦母與史記儒林傳胡母生之母同音無隋志注作母誤

戰國有綦母

子見劉向別錄漢有廷尉綦母參謝承又稱東莞綦母君

劉表在荊州時有儒士綦母闔是也遂世次行事無考隋

志載其列女傳七卷在皇甫謐後又注云二京賦二卷李

軌綦母邃撰邃又注三都賦三卷撰誡林三卷並梁有今

亡宋裴駟注史記嘗引其說知爲晉人正義不考但云在

梁時又有綦母邃注九卷疎矣趙鄭劉注皆七卷此獨有

九分析之法不可得詳豈兼取外書與經義考言李善注

文選引二條今細檢復得二焉

史記趙世家武靈王夢處女鼓琴而歌詩曰美人榮

榮兮顏若莒之榮命乎命乎曾無我羸集解引蔡母遼曰
陵莒之草其莖紫又曰言有命祿生過其時人莫知己貴
盛羸滿也御覽兵部列女傳晉平公使工人為弓三年乃
成射不穿一札公怒將殺工其妻繁人之女也見公曰此
弓傳以燕牛之角纏以荆櫟之筋糊以河魚之膠蔡母遼
注曰繁人官名札鎧也燕角善楚筋韋河膠粘也據此則
遼亦注列女傳耳今其書
早佚只此可據附存之

夫子當路於齊○當路當仕路也

文選郭景純遊仙阮
嗣宗咏懷詩注引之

伯夷隘節○隘謂疾惡太甚無所容不恭謂禽獸畜人是不

敬然此不為褊隘不為不恭

選注

秋陽以暴之○周之秋於夏為盛陽也

選注

驅蛇龍而放之沮○澤生草言菹

選注下云沮與菹同在蜀
都賦潛龍蟠於沮澤下據

此則蔡母本作菹也祝穆事文
類聚黃公紹韻會引孟並作菹

附闕名注

漢書臣瓚注引孟子注曰害義謂之殘

臣瓚者薛瓚也見水經注

周禮考工記匠人正義釋孟子夏后氏五十而貢節引趙注後又云或有解者云三代受地多少應同今云夏后氏五十而貢殷人七十周人百畝者據地有不易一易再易并六遂上地不易加五十畝有四等據授地之法夏言五十而貢者據一易之地家得二百畝常佃百畝荒百畝其佃百畝常稅之據二百畝爲稅百畝爲五十而貢殷人七十而助者據六遂上地百畝有萊五十畝而言百五十畝稅一百畝猶五畝稅七十五畝舉全數言之故云七十畝而助也周人百畝而

徹者據上地不易者而言百畝全稅之故云百畝而徹也夏
據一易之地亦有上地不易上地加五十畝者殷據上地加
萊則亦有一易及上地無萊者周言百畝而徹則亦有上地
及萊及一易者也三代皆不言再易三百畝者明皆有可知
以其云貢貢無助法殷人云助稅并無貢法周人云徹貢助
兼有也

禮書引直作賈
公彥說非也

路史注云相州圖經引孟子注舜封丹朱於白水白水今清

河有丹朱陵

案御覽引尚書逸篇曰堯子不肖舜使居丹淵
為諸侯故號曰丹朱漢書律厯志亦云封堯子

朱於丹淵為諸侯竹書帝使后稷放帝子朱於丹水史記注
云丹水縣在丹州堯子朱所封括地志丹朱故城在鄧州內

鄉縣西百三十里
與此言白水者異

禮部增韻五霸案孟子注蓋取牧伯長諸侯之義後人恐與侯伯字相混故借爲霸字別之

集注引丁氏手音已作霸

右四則前二則皆在唐前信古注也後二則當出唐儒以其有裨經訓並錄之其諸書所載不明言出孟注者槩不與焉

讀書論世孟子之彝訓也顧世有可知有不可知可知者以書合之不可知者以書定之斷無移書就世執世疑書者書可疑亦可不讀世可移又何待論耶竊觀孟子一書讀者遍古今天下而計生年則或定或烈訪里居則忽鄒忽魯宦遊所至則應劭謂自齊魯鄒薛而梁衛嵩謂自宋鄒任薛而梁齊最後有先梁後齊始宣終湣之說伐異黨同終無折衷嗟乎經典宿疑孰有大於此者乎夫孟子鍾靈鄒嶧生值姬衰抱道周流憲言詒後生平既概見本書其所紀時事又皆得之閱歷確鑿可據非若公穀之間見異辭莊列之寓言無實也卽云列國事故不得不取旁書證之然而國策不詳年代

篇次混淆史表編述燼餘傳聞舛誤與本書已多不合全賴博稽深考者權其然否而去取之蓋第欲借鏡以照形非令其契舟求劍且許其入室操矛也乃自漢以來論列孟子之世往往宗主史表雜採他書追求其合而不得則苟且遷就者有之調停兩可者有之夫史之序六國表也自言秦燒天下詩書諸侯史記尤甚詩書多藏人家所以復見而史記獨藏周室以故滅惜哉獨有秦記又不載日月其文畧不具然戰國權變亦有可采者乃因秦記表六國時事觀此亦可知作者之用意矣通鑑考異謂年表差謬難可盡據李彭山亦云史所稱世次或有虛加或有闕畧皆無以考其詳惟當以

孟子書爲證而序正之洵知言也而仍襲旣久耳食之儒寧
變亂大賢之出處不敢背違史氏之年表嗚呼此孟子所以
慨然于盡信書不如無書也廣業蓄疑有年欲有以救正之
自惟謏陋深懼獲戾前修旣思孟子亞聖大才生不逢世其
書復橫被非刺疑詆旣得列于經以上繼魯論而猶使其行
藏大節湮晦勿彰罪乃滋甚於是枚舉其事先取本書櫟括
成文以原無可疑者發其疑所謂可知者以書合之也次取
辨駁諸條分繫其下以似有可疑者晰其疑所謂不可知者
以書定之也口雖失煩辭非泛設蓋用是讀吾書而已論世
云乎哉作孟子出處時地考第四

孟子出處時地考

海寧周廣業述

本傳

史記孟子列傳孟軻鄒人也受業子思之門人道既通游事齊宣王宣王不能用適梁梁惠王不果所言則見以爲迂遠而闊於事情當是之時秦用商君富國強兵楚魏用吳起戰勝弱敵齊威王宣王用孫子田忌之徒而諸侯東面朝齊天下方務於合從連橫以攻伐爲賢而孟軻乃述唐虞三代之德是以所如者不合退而與萬章之徒序詩書述仲尼之意作孟子七篇

案司馬氏傳孟子雖簡畧然於里居師授及遊歷先後著述大指已悉該舉不得因年表有誤并增損本傳也特錄原文於此

年世序畧

孟子曰予未得爲孔子徒也予私淑諸人也蓋孟子之生去孔子未五世所居鄒國又與魯密邇教澤所被不啻見而知之故其生平傳述於曾子子思爲多而所願學者孔子所力闢者楊墨以居仁由義爲志以知言養氣爲學明王道黜霸功陳繹曾文說孟子書主意在性善實理在仁義工行年四十夫在求放心養浩然政事在務農興學以行王道十已不動心設科教育及門數百人曹交聞人皆可爲堯舜

之言亦欲假館鄒君畱而受業時鄒君蓋穆公也孟子委贄
爲臣嘗因顧問勉以行仁政而季任以幣交孟子往見之齒
旣高仕齊爲大夫遭母喪合葬於魯起爲卿卒以道不行而
歸其時上溯周初七百有餘歲矣旣之宋之滕歸輒居故國
滕之臣然友問禮者再皆在鄒也晚乃遊梁惠王尊稱曰叟
未幾惠王卒襄王立度不足與有爲遂歸老焉會樂正子仕
魯魯故宗國墳墓所處孟子時復命駕聞將使樂正子爲政
喜而不寐謂大道之行不於其身將於其門弟子也旣而臧
倉見沮平公怠於禮賢而孟子亦絕意人世矣先是授徒厯
聘以來門人多所私記孟子志在行道未暇也迨不用於齊

而歸俯仰天人撫時增感嗟興王之難遇懼絕學之失傳因述堯舜禹湯文之道至於孔子皆由見知以啟聞知不禁喟然嘆興曰由孔子至今百有餘歲去聖人之世若此其未遠也近聖人之居若此其甚也然而無有乎爾則亦無有乎爾由是次第編述訖于有成門人以是數言爲七篇所托始繫之終篇猶孔子作春秋托始獲麟也

雜記載孟氏譜云孟子以周定王三十七年四月二日生卽今之二月二日報王二十六年正月十五日卒卽今之十一月十五日壽八十四歲此譜不知定於何時元張頴孟母墓碑記成宗元貞二年立據鄒公墳廟碑云孟子後孔子三

十五年生時周定王三十七年則從來久矣

張記辨曰孔子以敬王四

十一年壬戌卒後三十五年實貞定王二十五年丙申又三年戊戌貞定崩孟子至魏在顯王三十三年乙酉逆數至貞定丙申為一百十年慎親王三年壬寅去魏適齊視乙酉十八年赧王元年丁未去齊凡在齊六年皇極經世謂孟子顯王四十三年乙未為齊卿四十四年丙申去齊則葬母丙申前事其生不在孔子卒後三十五年明矣廣業案此辨是也但史記十二諸侯年表終於敬王四十二年徐廣云歲在甲子六國表始於元王元年徐廣以為乙丑推至定王二十五年當為丁酉又三年庚子定王崩今云丙申戊戌實差一年此據皇極經世書也魏齊事亦仍舊謬另詳後陳氏疑定為安之訛安王在位二十六年是年乙

巳至赧王二十六年壬申凡八十八年譜謂孟子壽八十

四自壬申逆推之當生於烈王己酉也近孟衍泰三遷志

所載年表據黃梅瞿九思說定為烈王己酉生赧王二十

六年壬申卒集語同萬斯同孟子生卒年月辨引孟氏世譜

亦然知又非陳氏所見之譜矣案史記六國表定王在位

止二十八年加考王九年以足三十七之數是為己酉去

敬王四十一年壬戌孔子卒纔四十八年則太近若自壬

戌推至烈王己酉為百有八年則又太遠朱子集注云孟

子之生去孔子未百年見予未得為詹道傳集注纂箋從

哀公十六年孔子卒推之又十年悼公立史六國表魯附

年漢書律歷志當十一月四十一年史表三十八元公二十

一年穆公三十三年史表三十二共公二十二年史表二康公

九年景公二十九年共百六十四年史表共百六十五而

漢志共百六十二

平公繼立由孔子而來百有餘歲則孟子必生於穆共之

間以上纂箋今以六國表考之魯穆公立於威烈王之十九年

卒於安王之二十六年是孟子當生於安王之世譜本不

足憑就舊譜壽八十四言之敘生年當改定字去三字爲

安王十七年則上距孔子卒九十五年其卒當在赧王十

三年或十二年而譜倒爲二十又衍六字也潘彥登孟子生曰考亦疑

是安王十七年而安謨爲定王訛爲三乃魯魚亥豕之失也但其所據止留青日札遂謂生卒朔望不可易恐未盡

然。日札四月朔生正月望卒蓋孟子之年最明白可數者爲齊卿時已

自言我四十不動心知其時年必者艾矣若生於烈王己

酉則後三年烈王崩顯王繼立而孟子仕齊卽在顯王三

十七八至四十一二等年

詳後

計孟子年纔過四十何遽云

齒德皆尊而自居長者

趙注孟子年老自稱長者

王曰吾惛

禮記注耄惛忘也

其年亦非盛壯而孟子言僅有其一則長於王可知也禮

六十始杖鄉遇鄉飲尙在立侍聽役之列使以強仕之年

而言鄉黨莫如齒景丑齊客其可欺乎今雖無由考知竊

爲約紀其年曰周安王十七年丙申孟子生

杜預春秋左傳後序云推

校紀年魏哀王二十年歲在壬戌是周赧王之十六年上

去孔子卒百八十一歲孟子生安王十七年去孔子卒九

十五年舊以爲定王丙申實差六十年又邵子皇極經世

一元圖己卯周安王立十七年乙未以下紀事俱差一年

蓋敬王在位實四十四年史因此誤茲不復辨

至烈王元年丙午年十一歲顯王

元年癸丑孟子十八歲

梁惠王三年齊桓公午八年史表作齊威王十一年。史表詳後

二十三年乙亥孟子四十歲

梁惠王二十五年 齊宣王十一年 史表作齊威王三十

三三十三年乙酉孟子五十歲

梁惠王三十五年 齊宣王二十一年 史表作宣王

七四十三年乙未孟子六十歲

梁惠王後元十年 表作襄王九年 齊宣王三十一

年表作十七年 慎靚王元年辛丑孟子六十六歲

梁惠王後元十

六年表作襄十五年 齊潛王元年上

三年癸卯孟子六

十八歲

梁襄王元年

赧王元年丁未孟子七十二歲

魯平公三

年史表

十二年戊午孟子八十三歲十三年己未孟子八

十四歲但依此考之庶七篇所載仕止稍有頭緒耳

右生卒年月

孟子年歲觀與諸人問荅亦可見如稱宋牼曰先生自稱

名對北宮錡亦自名稱高子曰高叟

楊子方言安父長老也東齊魯衛之閒凡

尊老者謂之叟集注考證謂相尊之詞不必年長非此皆齒尊者也其儕輩惟字王

驩曰子敖若沈同淳于髡宋句踐戴不勝景春白圭之流

皆子之自稱曰我諸人可考者宋牼即莊子宋鉞與尹文

皆悅墨子之風爲華山之冠以自表齊宣王時人

亦見荀子有宋

子十八篇言黃老見漢志小說家

淳于髡見史記滑稽傳齊之贅婿威王

八年使之趙請救兵至與孟子相見年當耆老而稱孟子

爲夫子自稱曰髡知年相若也白圭據貨殖傳云當魏文

侯時樂觀時變鄒陽書曰白圭爲魏拔中山文侯賜以夜

光之璧計其年且長以倍不當自名曰丹孟子呼爲吾子

故閻百詩毛初晴並言有兩白圭與孟子言者名丹字圭
不得與史強合今考韓非子云白圭之行堤也塞其穴故
無水難正鄰國爲壑之證呂氏春秋審應覽有白圭與惠
施折辨語則其爲另一人似無可疑然史又稱白圭自言
吾治生產猶商鞅行法據竹書紀年秦封衛鞅於商在梁
惠成王三十年水經注引秦紀在考公三十二年較後一年是圭後於鞅甚明

國策昭王時白圭始見而拔中山者言樂羊不言白圭呂

氏春秋及新序載孟嘗君白圭問荅於魏文侯皆稱諡恐

史與鄒陽之說誤以武侯爲文侯也尚史云案策圭事魏昭王史與鄒陽作文

侯誤圭言治生產猶孫吳用兵若事文侯則正與吳起先後安得引以自銜此說亦佳但不若文侯商鞅爲更切耳

出處時地

又史言騶衍後孟子而髡乃與俱至梁則使趙之年亦必誤也

右附論宋慳等年紀

本傳孟軻鄒人

漢志同

趙岐題辭曰孟子鄒人也鄒本春秋

邾子之國孟子時改曰鄒

于欽齊乘春秋謂之邾婁婁有邾二音合閭音爲邾合樓音爲鄒

國近魯後爲魯所并又言邾爲楚所并非魯也今鄒縣是

也或曰孟子魯公族孟孫後

史游急就篇孟伯徐師古注魯桓公子慶父之後號孟孫

氏其後稱孟氏廣韻仲孫爲三桓之孟孟子孟孫之後

故孟子仕於齊喪母而歸葬

於魯也趙爲此二說一詳其邑里一原其世系可謂周悉而明白矣吳程乃云孟子魯人居鄒非生於鄒譚氏編年

畧更修其說云鄒爲魯下邑卽說文所稱孔子鄉叔梁紇
所治地史云鄒人不云鄒國人猶子路卞人曾子武城人
不言魯也本書言自齊葬於魯因是時有二鄒慮後人國
與邑混故於葬母大事特書之明魯爲父母之邦也趙誤
鄒爲邾邾在兗北青境鄒在兗南徐境道里甚遠安得云
近聖人之居如此其甚孔子所生名故鄒城去孟子所居
五十里以邑則孔孟皆鄒人以國則孔孟皆魯人故孟子
居鄒邑卽是居魯其對鄒穆公不稱臣而言甚倨卽鄒人
與楚人戰一語明爲別國矣於魯則云我之不遇魯侯天
也以不遇本國之君老更無可遇故曰天也

詳經義考友
人吳兔牀箋

有程復心孟子年譜鈔本一卷論不可不編年者有四此其一也文與譚貞默編年正同豈譚襲用之歟子見為元名儒不應有此乖誤疑為譚所借撰故竹垞於程祇錄四書章圖二十二卷不及年譜而於譚獨詳載孟子編年也年譜雖未盡合其可採者錄後

廣業案此言殊謬史與孟子同傳者淳于

髡齊人荀卿趙人不皆繫以國即孔門弟子如端木賜衛

人言偃吳人亦從無連國字之例安見單言鄒即為魯下

邑也且鄒國與聊邑為字迥異說文鄒魯縣古邾國帝顓

頊之後所封從邑芻聲聊魯下邑孔子之鄉從邑取聲

徐

繫傳鄒下引趙岐題辭邾國至孟子時改二字形義判然

曰鄒則畱反聊下引左傳聊人紇則侯反

玉篇訓同說文惟鄒下增注云

許叔重書具在可覆按也

俗作邱聊注云論語作鄒廣韻

鄒縣名在兗州聊下亦引說文又杜預春秋地名釋魯地云襄十年鄒注魯國魯縣東南莒城也釋邾地云隱元年

邾注魯國鄒縣文十五年
釋注魯國鄒縣北有嶧山鄒字見孟子書者十他書或作

騶如史記鄒人一本作騶人始皇紀鄒嶧山封禪書作騶

嶧山漢書地理志魯國騶注故邾國續漢書郡國志騶本

邾國是也俗通作邾顏元孫干祿字書邾鄒注云上通下

正是也聊字見左傳聊人紇通作鄒論語鄒人之子孔叢

子還轅息鄒亦作陬孔子世家生昌平鄉陬邑是也若鄒

聊之字考古書從無通借至水經注始譌聊爲鄒而以孔

子爲鄒國人其言曰魯國鄒山卽左傳之嶧山邾文公所

遷故邾婁國曹姓叔梁紇之邑也孔子生此後乃縣之其

後周宣帝大象二年遂詔封孔子爲鄒國公
見後周書隋復封孔長孫

為鄒國公史記正義引括實坐此誤也鄭樵通志氏族畧

地志輿地志鄒並作鄒序以字為氏云宋

有孔氏孔子以六世祖孔父之字為氏又序以邑為氏云

魯鄒氏子姓宋潁公後正考父食邑於鄒生叔梁紇遂為

鄒氏今兗州鄒縣是也齊有鄒衍鄒忌望出范陽如其言

則孔子不但鄒人又氏孔又氏鄒而忌衍皆與同祖一字

傳訛乖謬陸德明春秋序釋文又譌鄒為聊而云孟子鄒

乃至於此

邑人司馬貞史孟子傳索隱云鄒魯地名又云邾邾人徙

鄒故也聖賢梓里任臆顛倒此皆五代及唐俗體傳說急

待後儒是正者故羅泌國名紀於聊下特別白之曰孔子

生處與孟子之鄒異又注云或作鄒非極為了當集注考證聖人

之居在今襲慶府仙源縣而鄒即鄒縣在仙源之南亦極分明而宋神宗元豐六年封孟

軻鄒國公元文宗至順元年封鄒國亞聖公俱載正史今

乃混國爲邑謬假說文欺世可乎反葬誠屬首邱之義然是時壤接牙錯不必如後世之土斷左傳載魯伐邾非一安知疆田保繹而後魯地非卽向之鄒地且係孟孫之後則祖墓自當在魯不得藉是爲魯人之證左傳哀七年魯擊柝聞於邾漢志魯騶蕃三縣俱屬兗州魯卽魯國蕃卽邾國騶卽邾文公所遷之繹也此甚近之確證不古之據而以今境計之合孔孟皆爲鄒人誤矣三遷志秦漢鄒縣故城在今縣東南二十五里嶧山之陽杜預劉蒼杜佑說並同孟子所居在此後人以今治爲古地誤鄒志宋熙寧五年省入仙源元豐七年至鄒人與楚人戰正惟身是鄒人故援以喻齊左復置

傳正義引譜云春秋後八年楚滅邾

此卽趙氏所稱或說也漢志云傳二十七

世爲楚所滅水經注楚宣王滅邾意其時楚方蠶食邾不
國名紀曰邾爲魯併而鄒爲楚併行仁政而妄與力抗孟子知其必有後災適因齊事觸動
遂不覺痛切言之也乃以是卽知非本國乎且鄒在春秋
賦六百乘傳至戰國亦在十二諸侯之首故楚射者以秦
燕魏比騏鴈齊魯韓衛比青鳥鄒費邾邳比羅鷺謂其餘
皆不足射則知是時妄思敵楚者惟鄒故借爲以一股八
之證也魯旣父母之國何與慎子言直斥其殃民僭越王
制如曰居鄒邑卽居魯則彼曹交所欲見而假館者果何
君耶鄒君卽穆公孟子與言必稱曰君故曹交雖不在公
所亦必稱君也至平公則吾與魯侯對舉卽知非本國臣

民矣且鄒魯閩後穆公肯復引讐國之人與圖善後乎閩
詠曰祗云近聖人之居未嘗云生聖人之鄉言已明切廣
業恐人之好異使大賢宅里混淆輒復詳辨之鄒費之費
卽所稱費
惠公者水經注引魯連子曰陸子謂齊湣王
曰魯費之衆臣甲舍於襄賁餘詳四書釋地

右里居辨鄒耶之訛

譚氏所稱二鄒皆顓帝後所封國與耶邑風馬不及其一
早著于幽王之世國語史伯謂鄭桓公曰當成周者東有
齊魯曹宋滕薛鄒莒又曰黎爲高辛氏火正命曰祝融其
後以姓存者妘姓鄒節路偃陽曹姓鄒莒皆爲采衛此鄒
入春秋不復見惟晏子載景公爲鄒之長塗晏子諫而息

疑爲齊所滅漢志濟南郡有鄒平梁鄒二縣水經注謂鄒平古鄒侯國舜後姚姓蓋卽今濟南府鄒平縣地也其一卽邾大戴記顓頊子老童產重黎及吳回吳回產陸終陸終六子其五曰安是爲曹姓曹姓者邾氏也通志氏族畧周武王封安裔孫邾俠爲附庸居於邾今兗州仙源縣古邾城是也俠以下至儀父始見春秋十四世文公遷於繹今兗州鄒縣北嶧山是也漢志屬魯國今爲兗州府鄒縣其改邾爲鄒齊乘謂始文公但遷繹在魯文公十三年而終春秋不聞有鄒至戰國更無邾名故趙氏以爲至孟子時改也藝文類聚引劉蒼鄒山記云騶山古之繹陽魯穆

公改爲鄒史索隱說文繫傳並云魯穆公改邾爲鄒改名
不應出魯或訛鄒穆公爲魯穆公耳

張居正四書直解作鄒穆公是

右附論二鄒

葬母於魯似于魯人爲近然孟子所葬廣業亦嘗考之矣
續漢志騶本邾國劉昭補注引劉蒼騶山記邾城在山南
去山二里北有繹山左傳文十三年邾遷於繹郭璞云繹
山連屬城北有牙山牙山北有唐口山唐口山北有陽城
北有孟軻冢焉此葬鄒之據非鄒人而何以葬鄒也宋孫
復兗州鄒縣建孟廟記云景祐丁酉龍圖孔公爲東魯之
二年謂有功聖門者無先於孟子且鄒爲孟子之里今爲

所治之屬吾當訪其墓而表之新其祠而祀之於是符下

官吏博求之果于邑之東北三十里有山曰四基傳寫訛墓今正

之山堂肆考以四基對八部四基之陽得其墓焉遂命去其榛莽肇其

堂宇以公孫萬章之徒配見孫明復小集其序地域墓山尤爲明

切又齊乘尼邱山在滕州鄒縣東北六十里有宣聖廟其

東顏母山有顏母廟南有昌平山夫子所生之鄉又南馬

鞍山有孟母墓又南唐口山有孟子墓然則聊邑當金元

時亦隸鄒縣而唐口之墓明復云東北三十里容思云馬

鞍山之南三遷志又謂孟母墓在今縣北二十五里與孟子

墓不甚遠要之不越三十里內外也自是而北爲昌平爲

防風又三十里蓋不特里近聖人之居而墓亦壤接焉乃其葬在鄒不在魯固自顯然孫于二公皆山左人言必不誤說者更將何以牽合耶歐陽忞輿地廣記云兗州鄒縣本繹邑有孟軻冢不詳四基之墓陳頌墓碑作基山之陽陳鎬闕里志張泰鄒志陳氏墓記俱作四基山齊乘又云鄒國公廟在鄒縣城內地名因利溝卽孟子故宅他若天中記孟子生時母夢神人乘雲自泰山來將止于嶧母凝視久之忽片雲墜而寤閭巷皆見五色彩雲覆其居舊山東通志鄒志闕里志岱志董斯張廣博物志並載列女傳載孟母三徙斷機韓詩外傳買東家豬皆孟子居鄒事使紊其居止則諸事皆無所

繫是不可無辨也

右冢墓

孟子父名字失考

孟氏譜名
激字公宜

孟母氏亦未詳

張頴孟母墓
記云舊唯片

石題曰鄒公墳廟碑言母氏李未知何據集語載金孫題
弼謁廟記有李氏之說疑碑爲金所立或云仇氏音掌題

辭云孟子生有淑質夙喪其父幼被慈母三遷之教及注

後喪踰前喪云孟子前喪父約後喪母奢前後雖無定時

以士大夫三鼎五鼎之言推之相隔必不甚久遠禮曰喪

從死者祭從生者祭以三鼎則在孟子爲士之後明矣時

年蓋已四十餘題辭所謂夙喪者特以父先母死耳非幼

孤也薛應旂四書人物考四書直解集語續文獻通考闕

里志三遷志遂云孟子三歲喪父考韓詩列女俱無此說
且列女載孟母斷機事云織績而食中道廢而不爲寧能
衣其夫子而長不乏糧食哉此必非贅恤之言夫士及三
鼎固非襁褓間事且去喪母五六十魯人亦何從知其
前後豐儉懸絕而臧倉得以行其毀鬲耶王復禮曰若前
喪在三歲則豐嗇非所自主倉安得譖之平公安得信之
樂正又安得不辨之蓋公宜實未嘗卒其三遷斷機或者
公宜出遊慈母代嚴父耳廣業案元仁宗延祐三年七月
追封孟子父母制祇稱其父夙喪張頌墓碑亦然則三歲
喪父之說妄也

張士觀追封制云朕惟繇孔子至於孟子
百有餘歲而道統之傳獨得其正雖命世

亞聖之才亦資父母教養之力也其父夙喪母以三遷之教勵天下後世推原所自功莫大焉稽諸往代實闕褒崇夫功大而位不酬實著而名不正豈朕所以致懷賢之意哉肆頒寵命永資神休可追封其父爲邾國公母爲邾國宣獻夫人見蘇天爵元文類

孟子字史傳漢志不載趙岐亦曰未聞太

平御覽引聖證論云學者不知孟軻字案子思書及孔叢

子所稱孟子居卽軻也少居坎軻故名軻字子居

廣韻居貧軻軻

故名軻

顏師古漢志注引聖證論作字子車而云未詳其

所得則謂出子思孔叢者正未可信矣集注考證云軻車

軸故字子車傳子又稱鄒之君子孟子輿

見選注

王伯厚疑

皆傳會是也妻由氏見續文獻通考亦無古據

何異孫十一經問答

云父名母氏未聞娶誰氏有幾子皆無所考此闕疑也復云史記本傳載孟子幼孤而教以三遷之訓則大謬又以

古者易子而教證孟子未必有子尤誤

右孟子父母

孔孟之師皆不傳淮南子有項託七歲之說呂氏春秋稱學於老聃孟蘇襲靖叔要皆三人之師而已孟子本傳稱受業子思之門人本無定名猶孔子之焉不學也自漢藝文志本注云子思弟子王劭因謂史文衍一人字孟子實親承子思之教趙岐亦云長師孔子之孫子思子思孔叢等書更附會爲思孟問答之辭唐韓退之李習之皆以爲學於子思其實非也詹氏小辨子思孟子考云伯魚先孔子五年卒孔子卒子思爲喪主知其時年已長矣孟子書

論及張儀公孫衍當是赧王五年辛亥以後事自辛亥逆推至敬王壬戌孔子卒百七十年去伯魚卒百七十四年以百八九十年間所生人物而謂其共處函丈何壽考至是或謂安王二十五年甲辰子思言苟變於衛而孟子魏惠王時已稱叟計其生近安王卽位時謂孟子親受業奚不可曰安王甲辰去伯魚卒百有七年孔子卒百有二年可云子思尙存哉孟子之少也其母三遷而後知學復爲之斷機其娶也見其妻踞而欲出之其時吾不知其年固知未從子思學也過此又可云子思尙存哉且魯繆公立在威烈王十九年甲戌而孟子書亟稱繆公尊禮子思時

子思年已九十耄矣其居衛有齊寇必少壯從仕時事言

苟變於衛亦必在悼敬昭公時

又云家語伯魚年五十卒子思年六十二案孔子歿

於哀公十六年後十二年哀公薨又悼公三十七年元公

二十一年而繆公始立則繆公之立距孔子沒已七十年

使子思壽僅六十二安得繆公時尚存集語受業解亦知

年歲不合因謂伯魚卒子思方生以名級字子思附會之

尚不相接又謂元王貞定王考王六十年係後人妄添而

刪去之而曰周顯王六年孟子年十歲子思年六十一請

見受業即在是年明年子思年六十二卒穿鑿殊甚經義考載季本事蹟圖譜說與詹氏畧同夫思孟生

卒之年既不相值而孟子稱子思字者非一又言昔者魯

繆公

已詳逸文

其為追溯無疑惟是子思之學得諸曾子而七

篇述二子之言最多則師承固非無自耳

右師承

孟門從遊者趙岐注弟子十五人樂正子公孫丑陳臻公

都子充虞季孫子叔高子徐辟咸邱蒙陳代彭更萬章屋

廬子桃應學於孟子四人孟仲子告子滕更益成括見漢

書古今人表者六人公孫丑第三等萬章告子樂正子高子

第四等徐子第五等宋徽宗政和五年從祀孟廟視趙注無益

成括為十八人詳宋史禮志吳淵穎孟子弟子考序稱十九人

考失傳序見存心堂集則與趙注同可知張九韶羣言拾唾載孟門

十七弟子去季孫子叔滕更益成括而益以孟季子周霄

經義考亦去季孫子叔而謂告子與浩生不害是二人因

去告子而列浩生不害宋祀典作告子不害餘並依趙氏宮夢仁讀

書記數畧則易滕更浩生不害益成括爲孟季子告子一本

作曹交

周霄三書數同而人互異竊謂季子在集注疑是仲

子之弟其兄既著書論詩弟自無慚私淑

仲子詳後注又都穆聽雨紀談

引譜仲子名畢孟子子也四十五代孫寧嘗得一書於嶧山道人曰公孫子內有仲子問一篇乃知仲子實孟子之子嘗從學公孫丑者今三遷志孟罕爲仲子子又與都說異寧於宋仁宗景祐四年爲鄒縣主簿奉祀孟子今孟氏皆其後譜卽其所輯今復數修殊少古據難信也

周霄殊無取焉高誘注呂氏春

秋云匡章孟子弟子藝文類聚亦然章在孟門所禮異於

滕更稱子有同樂正謂爲著錄也宜

呂氏春秋有匡章與惠王及惠施問答殆

從遊於梁者歟

而趙注卻止言齊人夷子逃墨歸儒憮然受命當

在不距之科而趙亦無明文他若高注淮南有陳仲子史

索隱有公明高廣韻有離婁邵名世古今姓氏書辨證有公明儀高叟集語濫及淳于髡鄒衍等其誤固不待辨然從者數百彭更旣明言之則弟子之姓名湮沒者何可勝數季孫子叔盆成括等幸附見于七篇尙何去取之紛紜乎 國朝孟廟從祀仍明制十八人視宋政和無滕更而有盆成括乾隆二十一年禮部覆准去舊時候伯封號改題先賢先儒以符禮制內樂正克公孫丑萬章公都子四人皆稱先賢某子陳臻屋廬連陳代高子孟仲子充虞徐辟彭更咸邱蒙桃應季孫子叔浩生不害盆成括十四人皆稱先儒某氏某

見大
清會典

斯實千古定論可息羣議者矣

魯有季孫氏子叔氏並見左傳二子當是其後氏而不名與公都子同例今以子叔疑爲名終亦莫能知爲何許人也惟左傳昭二十九年經叔詣卒公羊穀梁俱作叔倪釋文倪有五計五兮二音五兮頗與疑音相混意卽其人此子叔敬子之孫當欲納昭公故季孫意如曰叔倪無疾而死此皆無公也是天命也非我罪也以此推之龍斷之說或出愛憎之口歟廣業向持此說詳讀經隨筆中後見集語所論正同然趙岐熟於左氏不應忘之至死矣盆成括正與孔子由其死矣語同何故斥之又晏子外篇載景公命盆成适以母柩台葬於路寢事晏子稱之曰适者父之孝子兄之順弟又嘗爲孔子門人是齊有兩盆成适也然孔庭從祀無盆成适或謂後車傳食方

遊齊梁時則然居鄒尙無是也但彭更專舉隨行者言安知及門受業不更有人耶許行爲神農之言徒尙數十陳相兄弟一見大悅豈大賢反不及之時無聞人諒未必三盈三虛也其後齊王欲養弟子以萬鍾則其人且千計何

止數百平

馮景少作論萬鍾云六石四斗曰鍾則六萬四千石矣足以食其徒一萬八千餘人蓋古量小

漢二斗七升當今五升四合古六萬四千石今猶得一萬二千八百石乃嘆崇儒重道之風雖戰國不替也

陸璣毛詩疏陸德明釋文序錄並云孟仲子魯人昔孔子

刪詩子夏序之以授魯人曾申申授魏人李克克授仲子

仲子授根牟子遞傳荀卿及大小毛公則知鄭氏言子思

弟子者非也

鄭氏詩譜孟仲子子思弟子詩惟天之命篇正義引云蓋與孟子共事子思後學於孟子

者著書論詩

文選注引墨子有告子勝

見陳孔璋為曹洪與魏文書子勝斐然之志下

王伯厚謂勝為告子名是告子與浩生不害信兩人矣釋

文序錄載徐整云子夏授詩於高行子高行子授薛倉子

伯厚謂高行子即詩序及孟子所稱高子此高子孟子以

叟稱之與去齊時以尹士語告者當另一人齊乘謂公孫
丑萬章皆齊人滕州北公村有丑墓其南萬村有章墓六
書正義萬姓芮伯萬之後孟子門人萬章餘率無考其廣
韻所載屋盧子著書又邱字注漢複姓四十四氏孟子有
成邱蒙隱居

顧充古雋考畧成邱魯地豈成邱之人以蒙
爲名歟四書釋地曰以所居地爲氏是也

公字注漢複姓八十五氏孟子稱公都子有學業楚公子
食邑於都後氏焉又孟子有公行子著書左傳晉成公以
卿之庶子爲公行大夫其後氏焉古今姓氏辨證曰孟子
有屋盧子元和姓纂云晉賢人著書言老聃之法滕更滕
叔繡之後以國爲氏充虞出周官充人之後以官命氏通

志氏族畧成邱蒙齊隱士樂正氏周禮樂正因官氏焉孟子魯有樂正子春曾子弟子夫成邱隱居公行著書已屬異聞屋廬喻老克卽子春尤可怪也至廣韻之離婁通志離氏注引風俗通云離婁孟子門人則傳訛自漢附錄於此知古亦有不可泥者

右門弟子

本傳孟子所如不合退與萬章之徒作孟子七篇題辭因云孟子自著姚信士緯則曰門人所記非自作也故其志行多見非惟教辭而已或捐萬鍾之祿或辭兼金之贈見太平御覽其後韓退之林虔中並同其說世儒或然或否廣業

案此書敘次數十年之行事綜述數十人之問荅斷非輯自一時出自一手其始章丑之徒追隨左右無役不從於孟子之言動無不熟察而詳記之每章冠以孟子曰者重師訓謹授受兼法論語也觀公孫丑美大之稱幾及孳孳之言屋廬子喜於得聞數節當日師弟情事畢見矣迨還自青齊既難必于行道而孟子亦欲垂教後世取向所進說時王傳授弟子者潤飾而刪定之以爲有王者起必來取法託諸空言不若載諸實事之深切著明也老遊梁魯其例亦同豈竟孟子自著哉至其後編次遺文又疑樂正子及公都子屋廬子孟仲子之門人與爲之何也諸子皆

孟門高第七篇中無斥其名者而樂正子則公孫丑浩生
不害皆稱爲子卽孟子亦然與滕更呼名之例不同當是
其徒所追改而首篇以孟子始以樂正子終未必不由此
也聖賢羣輔錄載八儒有樂正氏傳春秋爲道爲屬辭比
事之儒殆其人歟林之奇謂有萬子曰當是萬章門人所
錄則同事編集正未可知也孟子稱謚者止一梁惠王若
梁襄滕文魯平皆後孟子死則書謚出門人甚明晁公武讀書志
已有此說玉海藝文考證主之謂惠王元年至魯平公卒
七十七年軻始見王目之曰叟已老矣決不見平公之卒
也或者乃云當日門人不能有此精粹文字寫得孟子意
思出夫親炙大賢之門旣不能師其德行復不能傳其言

語則其時設科受業果所教何術所學何道耶其傳食諸
侯將竟一無事事徒資賴其師爲糊口計耶後世追封侯
伯從祀孟廟亦不問其功德之稱否耶秦漢以下文士接
踵亦頗有粹然者其師不必孟子也朱子語類數億萬言
盡其徒所記孟子顧不及朱子耶宋明人此等議論實令
人氣塞也

篇中稱孟子曰夫子獨樂正子稱先生自稱曰弟子或名獨萬章咸邱蒙稱吾知必非出一

手性理小辨曰百有餘歲似適梁齊時所言七百餘歲是去齊時所言謂其書作於一時可乎此說亦有見

或問師弟質難言皆在耳傳述非難至與時君荅問門人
何由得其詳而長篇短牘一無遺誤也曰不觀梁襄王章
乎望之不似人君以下皆出而語人者也人卽門人也孟

子固罕見諸侯見則必有建白退輒爲弟子道之或直舉以相詔或因請而備陳故記錄特詳而此于首篇發其凡也倘謂襄王不似人君不見所畏故表槩之餘則秘不語人既非隱惡揚善之道亦豈開誠布公之意耶此書皆出當時寫錄故雖小小往復不少漏畧阮逸謂章丑不能極多闕此贅說也如滕世子初見時門人偶未及記至復見之日已不能盡述前言而撮舉大指今云退自齊梁始作勢必取數十年往事一一追憶成之某問云何某荅云何無論文重思煩辭不齊一旦亦惟詞章之士以之研京鍊都則可耳豈所語於傳世立教之書哉

右論七篇非盡自著

宦遊序畧

史稱孟軻困於齊梁而楊雄解嘲有云孟軻雖連蹇猶爲萬
乘師蓋以齊宣稱夫子明以教我梁惠言寡人願安承教皆
以師道尊之故也乃其間在齊日多在梁日少仕齊在前遊
梁在後若任若宋若滕若魯皆其歷聘所至而鄒則父母之
國也本書所載遊歷甚明而他書雜出齊梁之事往往錯亂
不合故今先取齊梁年世論定之而後以次及焉釋史引文選注雖往來屯難不見任用終亦爲周威王師其事則未聞也案此注見解嘲下嘉靖袁氏本作唐劉濟曰孟子游齊齊不能用適梁梁亦不用然雖往來云云明季萬卷堂本作唐呂向注闕周字考周威烈王時孟子未生安得爲師豈齊威王之訛歟

孟子書先梁後齊此篇章之次非遊歷之次也趙注梁惠

王章云叟長老之稱也猶父也孟子去齊老而之魏故王

尊稱之曰父不遠千里之地而來至此注齊宣王章云孟

子莫得行道故仕於齊不用而去乃適於梁建篇先梁者

欲以仁義爲首篇因言魏事章次相從然後道齊也

注依宋本

其言可謂明且核矣後儒不喜趙注見展卷卽云孟子見

梁惠王遂斷爲歷聘之始而梁惠王之改元一誤之惠王

三十五年至梁之說再設之于是遷就附會愈求其合而

愈不得矣案竹書顯王三十四年魏惠成王

卽梁惠王

三十六

年改元稱一年慎靚王二年惠成王薨春秋後序史記集

解及通鑑考異困學紀聞並據以爲說凡前元三十五年
後元十七年史遷時未有汲冢書而亦弗復深考遂不知
有改元而曰惠三十六年卒割後十六年屬之襄王其下
乃接哀王梁之世次既差則孟子之適梁舍三十五年更
無可繫矣故六國表祇於梁一書孟子來而七篇中孟子
爲卿於齊孟子致爲臣而歸孟子去齊大書特書不一書
者俱絕不之及然其本傳固云道既通游事齊宣王王不
能用適梁梁惠王不果所言序次初未嘗誤

王文憲反謂
史記輕改孟

子可

通鑑既依紀年以襄王爲惠王又從世本改哀王爲

異也

襄王

集解引和嶠荀勗說云史誤分惠成之世爲二王乃

年數世本惠王生襄王而無哀王此通鑑所本也

乃

仍依史表繫至魏于惠三十五年至後十六年載惠王卒

孟子見襄王語中隔十數載不別記孟子一事綱目因之

前書孟軻至魏後書魏君營卒孟軻去魏適齊

提要無此六字案綱

日以惠後元年繫顯王三十六年下又與紀年不符蓋既改稱一年則三十六年即其後元不當在明年自此至後十七年紀事遂使亞聖遺書雖家誦戶習終莫得其解矣每差一年

夫史成於灰燼之餘口謂無舊史年月可稽故於十二諸

侯稱年表而於六國但稱表其中編年紀事原不能無所

差舛且如魏世家既誤惠爲襄秦本紀武王元年與魏惠

王會臨晉又設襄爲惠

表哀王九年

其敘稱王既誤以惠王爲

追尊及述孟子之言又苦不合於是約舉其文而陰以君

字換王字其意本欲自救通鑑未審其故輒取孟子改之以實先梁後齊之說程氏年譜云孟子非編年之書也安得以見梁惠王爲應聘第一事惠王一見曰叟知非復四十不動心之時加齊卿相則四十不遠時語其不以遊梁始甚明也藉曰不然滕文公問事齊楚恐齊築薛何以越在前滕文公爲世子滕定公薨何以越在後也

宋事亦在滕文公下

右論史紀梁事之失

顧亭林嘗言孟子適梁在惠王之末以史及孟子序說謂惠王三十五年至梁其後二十三年齊人伐燕而孟子在齊爲非語雖不詳極有卓識然適梁早晚當時亦豈竟未

商畧及之特因仕齊之年求之齊世系都所不合勢不得不屈孟子就之夫因齊世系不合而變亂孟子之遊歷以就之則雖至愚知其不可善乎金仁山之言曰史表於魏年既誤則其於齊事安得盡無所誤今據田完世家桓公六年威王三十六年宣王十九年湣王四十年詳檢索隱注文卽知不然毛氏汲古閣有重刻北宋祕省史記索隱三十卷今用其本六年救衛桓公卒注云按紀年梁惠王十三年毛本作十二年明正德間慎獨齋翻刻元中統二年段子成本及凌稚隆史記評林並作十三年今校正當齊桓公十八年後威王始見則桓公十九年而卒與此不同魏世家武侯九年齊威王初立注云按紀年齊幽公之十八年而威王立據之則桓公又稱幽公又宣王二年騶忌子注云按

紀年威王十四年田盼伐梁戰馬陵戰國策南梁之難有
張丐對曰早救之此云鄒忌者王劭云此時鄒忌死已四
年又齊威時未稱王故戰國策謂之田侯今此以田侯爲
宣王又橫稱鄒忌皆謬矣魏世家惠王三十年與齊人戰
敗於馬陵注云按紀年二十八
年與齊田盼戰於馬陵又孫子傳與齊戰於桂陵後十五
年注云王劭按紀年云梁惠王十七年齊田忌敗梁於桂
陵至二十七年十二月齊田盼敗梁於馬陵計相去十三
年廣業案二注一作二十八年一作二十七年相去俱無
十三年合觀後注
則二十八爲是 又八年魏惠王卒注云按紀年此時梁

惠王改元稱一年未卒也而系家以其後卽爲魏襄王之
年又以此文當齊宣王時實所不能詳考又孟嘗君傳宣
王二年田忌與孫臏田嬰俱伐魏敗之馬陵注云紀年當

梁惠王二十八年至三十六年

諸本皆誤六為一今正之

改為後元又

宣王七年嬰與韓昭侯魏惠王會東阿注云紀年當惠王

之後元十一年

依前宣二年注是惠三十三年

彼文作平阿

案田世家又亦作平阿

云十三年

當是後元一年

會齊威王於鄆與此明年齊宣王與梁

惠王會鄆文同但齊之威宣二王文舛互不同

鄆字慎獨齋本汲古

凌本並作甄

又潛王即位三年而封田嬰於薛注云紀年以為

梁惠王後元十三年四月齊威王封田嬰於薛十五年齊

威王薨皆與此文異案此六引紀年皆今本竹書所無

惟田

盼一條與今合

且字多錯午無可覆核

隋志紀年十二卷注云汲冢書與竹書同異一卷今

惟竹書存

然就其言考之威宣不惟互見兼多連稱戰國策蘇

子謂秦王曰齊威宣者世之賢王也德博而地厚國富而

民用將武而兵彊宣王用之破韓威魏云云

又曰今富非有齊威宣之

餘也史記封禪書自齊威宣之時騶子

名

行之徒論著終始云

云自威宣燕昭使人入海云云

漢書郊祀志同

鄒陽上梁王書齊

用越人蒙

漢書子臧

而彊威宣儒林傳威宣之際孟子荀卿之

列貨殖傳齊富彊至於威宣自序田完世家亦云嘉威宣

能撥濁世而獨宗周夫策史皆分威宣爲二王者也而此

言威宣又言宣王明係一人史動輒合稱在本書則爲變

例參考時事亦止一人何也騶衍後孟子其倡怪迂之說

當在宣王末燕昭求仙踵宣之成轍也荀卿遊齊又後於

行故傳言田駢之屬已死宣王時若兼言威卽大相牴牾然則前後書法岐異如此者無他威宣實一人而兩諡今

則析兩諡爲二王故耳蓋是時多複諡或並稱或約取韓宣

惠趙武靈皆並稱梁惠成秦惠文單稱惠而鎔舉一字則自周貞定王已然漢書

人表竹書貞定王周本紀定王世本貞王齊事傳之稷下流播諸侯此威彼宣

尤易雜出國策因分繫之而世家遂斷爲父子視割裂梁

惠爲甚矣然於蘇子之言封禪諸篇卒不能易蓋五德采

用始皇神山上書徐市信有足徵推之富國宗周亦必本

先秦舊文錄者初不及顧本書而當時後世適亦無置疑

者噫是豈小失也耶世系旣差年數自舛據紀年桓公之

立應在史表威王之四年而桓公十九年卒與世家宣王

卒年正同秦記本無年月史蓋因其錯簡而倒置之又以

康公之卒年為桓公卒年故愈不可曉世家康公之十九年田和立為齊侯

紀元年和二年卒桓六年卒六國表康公二十六年卒明年威王元今誠以周烈王元年為

桓公之元當魏武侯十二年表齊威王四年至惠王十三年適得

十八年明年十九年卒又明年周顯王十三年為宣王之

元表威王二十三年當惠王十五年盡前元三十五年加後元十五

年表魏襄王四十四年始卒適得三十六年是史所云威王乃桓公

宣王即威王戰國趙策魯仲連曰昔齊威王嘗行仁義矣率天下諸侯朝周居歲餘周烈王崩諸侯皆

弔齊後往云云案烈王之崩史表在齊威王十年而湣王世家威王即位九年諸侯竝伐並無相率朝周事

前三年實屬宣王

潛王實止三十七年

桓公未稱王故國策但稱田

侯及陳侯宣有複諡故亦稱威王淳于髡傳謂威行三十

六年者是也而世家所載鄒忌以鼓琴見威王事見劉向

新序威王與魏惠王論寶事見韓詩外傳俱明言宣王又

世家楚圍我徐州在宣王十年

表及孟嘗君傳同

而越世家乃云

齊威王使人說越王無彊伐楚楚大敗越北破齊於徐州

考古質疑謂史自戾詳後注

忽威忽宣參錯不同皆由於此

呂氏春秋載威王欲

殺陳駢子駢子奔孟嘗君以車迎之新序亦然尚史謂威王孟嘗不同時案孟嘗君傳文代嬰為薛公在潛王十年

左右則此威亦必是宣也

更有說焉莊子鬼谷子俱云田成子殺齊君

十二世而有齊國

莊見胠篋篇鬼谷引索隱今無此文

今由田完數至威

宣王正得十二世

田完世家敬仲生穉孟夷穉孟夷生潛孟莊潛孟莊生文子須無須無生桓子

無字無宇生釐子乞乞生成子常常生襄子盤盤生莊子

白白生太公和篡齊自立為齊侯和生桓公午午生威王

因齊因齊生宣王辟疆共十三世威宣實一人故

云十二世參考紀年年世正合非意為增損也莊子與

宣王同時

見史傳

鬼谷書蘇秦所述

見唐志

既親見其人為追

溯其世豈若後人之橫斷哉威王名因齊尤可異

史表世家魯仲

連傳同

名不以國既名之何得不諱或據司馬穰苴傳單名

因

傳云田常會孫和因自立為齊威王和字下疑有脫誤鄭樵通志云名因

孟子對齊宣王有

曰因無恆心是直斥其先君之名國策作嬰齊則與庶子

田嬰同名莊子釋文引司馬注名牟

莊子則陽篇魏瑩與田侯釋文一本作田

侯牟司馬云齊威王也名牟桓則當日又有大夫牟辛國公子案史記威王名因不名牟

表威王三十三年殺其大夫牟辛世家同案皆必無之事
桓公名午字形似牟別本莊子因訛爲牟也

漢書人表闕而不書蓋亦疑之

宣王辟彊書名

况齊事莫詳於孟

子太史公嘗自言讀孟子書而作田完世家終不敢採錄

一字雖足用爲善如宣王亦止以用淳于髡等當之非因

秦其昭穆世次兼誤以梁惠王卒繫諸宣王八年與孟子

中語氣事實百無一合有不得不盡行割棄者哉至伐燕

之役支離尤甚無論桓公五年田臣思取燕桑邱一節割

裂國策而滅燕燕畔爲宣王一大舉動反削去之及敘燕

世家云噲立齊人殺蘇秦秦死而齊宣王復用蘇代

蘇秦傳齊

宣王卒秦說滑王厚葬燕噲立齊人殺秦秦弟代勸燕質子於齊皆與此不合

既依燕策以噲立

在宣王時矣

據此則噲元年為齊宣二十三年何六國表又繫於齊湣四年

中忽復襲齊

策以齊伐燕為湣王此不惟齊宣年有矛盾并噲之立亦

必有差誤通鑑大事記等書徒增損威閔

即湣年代以曲從

孟子之書而終未知史之誤分威宣為二以致斯鶻突也

今亦未敢臆斷伐燕為何年

蘇子由古史亦不紀年

但就孟子與燕

世家前文齊伐燕總在宣王三十年內外

呈極經世觀物篇周顯王四十

二年甲午四十二年齊用孟軻為上卿四十四年孟軻去齊此說近之惜未知齊宣王之年有誤又以為魏卿在乙

酉列齊之前耳如是則不特國策儲子請宣王伐燕王令章子將

兵與孟子幣交與遊相合而吾惜之言可以知其有位日

久宣王之三十年當顯王四十二年

互見生卒辨

去孔子卒百

五十五年去文武受命七百五十八年與去聖未遠數過時可亦合而遊梁之歲吾乃得而定之矣且夫遊梁至易知也惠王之言曰西喪地於秦七百里南辱於楚此非卽襄王五年予秦西河之地七年盡入上郡於秦十二年楚敗我襄陵之事乎在紀年皆惠王事則是時爲惠後十六七年無疑自史誤爲三十五年趙注遂闕而不釋集注本依紀年而前章已引史記此不得更援他據於是依正義之說一引十七年少梁事而不計七百里之符否一引世家昭陽事而特不存其年於時事實不相合初不若趙氏闕如之爲得也

右論史紀齊事之失

建篇之首梁惠王也趙氏之說避矣但題辭謂退自齊梁而著作其篇目各自有名則未盡然古人得志澤加於民不得志脩身見於世立言不朽雖聖人不能易豈必窮愁始著書哉特壯年志在行道未遑專意耳故其成在遊梁之後其著作斷非始此說已詳前風俗通窮通篇首敘孟子仕齊爲卿去之鄒薛作書中外十一篇終言梁惠王復聘請之爲上卿庶爲得實也其體依倣論語不似諸子自立篇目大率起齊宣王至滕文公三册記仕宦出處離婁以下四册記師弟問答雜事迨歸自梁而孟子已老於行文旣

絕少又暮年所述故僅與魯事分附諸牘末其後門人論次遺文分篇列目以齊宣舊君不可用以名篇而仁義兩言爲全書綱領孟子所謂願學孔子以直接堯舜禹湯文武周公之心法治法無出乎此因割其六章冠首而以梁惠王題篇又特變文曰孟子見梁惠王以尊其師今盡心卷下尙有梁惠王一章可證也不第此也齊人伐燕等章本在公孫丑篇滕小國也三章本在滕文公篇記魯事止三章本皆在告子篇今亦割取其一而於梁齊之下繼以鄒滕魯蓋孟子生平所注意者祇此五國而已乃其在梁也始以去利行仁義期之終料其嗜殺而去於齊宣始以

易牛之仁冀其王終以伐燕之暴決於歸

伐燕二章本當在沈同章下特

移置此以明孟子不終仕齊之故林之奇通義乃謂此書記事散出無先後之次若以此二章置沈同後則不待說而自明殊非解人之言滕文公三章倣此鄒於仁政一言行否未可知而父母

之邦君子重之且與齊宣皆屬舊君不容畧也滕文尊禮孟子遇矣而國小多故莫必其成功魯則周公之後孔子之鄉平公乘五百里之地既知用樂正子兼有見賢之意似可與圖功矣而卒不遇孟子一生行藏首篇盡之矣其曰天欲平治天下舍我其誰壯而欲行厚望之辭也功之成否身之遇否皆歸之天老不得志絕望之辭也首次二篇以天終末篇以天始梁惠王以王道始盡心以聖學終

公孫丑由王道推本聖學其爲章二十有三記齊事者十有五餘八章皆言仁義又王道也而齊之仕止詳見起訖明是篇爲在齊之日公孫識之矣滕文公亦兼舉聖學王道而滕係弱小故其言井田學校雖較詳於齊梁但可新其國耳王非所能也聖王不興於上聖道將絕於下於是力闢楊墨以承之許行夷之以至陳仲子皆邪說詖行之害仁義者也故以不得已好辨終焉離婁萬章告子盡心發端言堯舜心性與滕文公同其後皆雜記訓言而萬章一篇又知人論世之林此則七篇大致可得而畧言者趙氏以爲包羅天地揆敘萬類仁義道德性命禍福粲然靡

所不載信矣

年譜總論曰孟子一書無非欲君臣父子兄弟去利懷仁義而弗放其良心故以見梁惠王言仁義始以君臣之治統爲前序以堯舜禹湯文孔子見知聞知之道統爲後序每篇首尾以義利性善性命始以距楊墨惡鄉原終因外王而歸內聖此作書之全旨也編年畧曰孟子行事要看不見諸侯與見諸侯兩端或問孟子不見諸侯因何開卷便見梁惠王人無以對蓋不見諸侯是四十以前教授弟子時事非游齊梁時語也不見在隱居求志之日見在行義達道之時曰迫斯可以見曰古之人未嘗不欲仕也又

惡不由其道由其道固可往見二者固並行不悖也

右論篇第大指

史敘列國稱王之年多舛出詳考之則魏最先齊次之秦

又次之然惟齊大書於田完世家云威王二十六年實宣王五

十六年秦孝公九年擊魏大敗之桂陵於是齊最強於諸

侯自稱爲王以令天下時魏始衰故齊最強魏秦或晦或顯二國史

亦不公言之蓋以魏先強後弱秦先弱後強孝公卽位令

攻奪我河西地諸侯卑秦醜莫大焉有能出奇其王號皆

計強秦者與之分土商鞅因入秦變法致霸其王號皆

數稱而後定也何以明之魏世家稱王始於惠王武侯其

後乃云襄王元年與諸侯會徐州相王也追尊父惠王爲

王追尊固無是理

相王者私相尊奉非天子命也安得僭爵其父果有之彼秦孝公韓昭侯趙肅

侯燕文公何皆不援此例史特因不知改元則三十六年王號出於無因故為此自救耳以紀年推之

是年實惠王後元二年而秦紀孝公七年與魏惠王會杜

平

表亦書魏王

乃前元之十六年其稱王較前於齊且七年

韓世

家懿侯五年與魏惠王會宅陽又前於此十二年懿侯表作莊侯

楚世家宣王八年周天

子賀秦獻公

顯王五年

秦始復強而三晉益大魏惠王齊威王

尤強此魏惠王前元之七年也國策蘇秦說齊閔王曰

吳師

道改蘇秦為蘇子以閔王時秦已死也然閔字亦誤

昔者魏王擁土千里帶甲三十

六萬恃其強拔邯鄲

竹書伐邯鄲取肥俱在惠王八年

西圍定陽又從

十二諸侯朝天子以西謀秦

策言魏惠王為九里之盟將復立於天子竹書惠王十四

年魯宋衛鄭君來朝秦王恐為戰具守備衛鞅曰魏氏功大而令行

於天下有十二諸侯而朝天子其與必多乃見魏王曰大

王有伐齊楚從天下之志不如先行王服然後圖之魏王

說其言廣公宮制丹衣柱建九旂之旗此天子之位也而

魏王居之於是齊楚怒伐魏殺其太子覆其十萬之眾即按

馬陵當是時秦王垂拱而得西河之外秦紀惠王八年魏

之役當是時秦王垂拱而得西河之外納河西地呂氏春

秋審應覽惠子治魏當惠王時五十戰而二十敗所殺

可勝數大將受子有禽者也圍邯鄲三年而弗能取士民

罷路天下之兵四至名實散是魏之僭號早在商鞅用事

秦孝公之日故杜平之會儼然稱王也非魏最先乎周本

紀顯王二十六年致伯於秦孝公三十三年賀秦惠王三

十五年致文武胙於秦惠王四十四年秦惠王稱王

年表不書

秦稱王田完世家宣王十八年秦惠王稱王正在是年

其後諸侯皆爲王秦本紀孝

公卒子惠文君立又云惠文君二年天子賀三年王冠四

年天子致文武胙齊魏爲王十三年四月戊午魏君爲王

韓亦爲王夫周紀之不先齊魏以秦之王爲代周之漸特

以首惡歸之乃史家筆伐之法初非聞見異辭獨計賀及

致胙之日去致伯未遠何遽改稱王而秦紀上兩言惠文

君下忽書曰王冠殊不可解及觀始皇紀後附記秦世系

云惠文王二年初行錢有新生嬰兒曰秦且王然後知秦

應識稱王卽在受天子賀之年也

顯王賀秦有二其一在五年周紀云賀秦獻公

獻公稱伯秦紀謂與晉戰勝石門天子賀以黼黻在三十

五年者兩紀不言所賀何事年表云天子賀行錢然則獻

公以賀而稱伯惠是時魏已寢弱方改元與民更始王應麟通

文必因賀稱王矣鑑答問曰東敗西喪之餘越號改元以張強大之形蓋衰弱之實也聞秦稱王欲厚結以為

援既與議婚復遠涉齊境徐州齊地藉其威力以脅諸侯名為

自王實欲王秦如後安釐王令新垣行使趙帝秦之例史於會徐州相王魏

齊世家及年表備書之蓋其事雖未愜眾心時田嬰相齊楚威王聞相

王之會怒嬰明年伐齊則知此舉殊不滿諸侯意矣而魏固已名震河山以東是年魏復

稱王故有秦亦侈然自肆於國中矣秦史特變文曰齊魏

追尊之誤為王意蓋謂齊魏皆奉之為王故與天子致胙連書以為

榮觀下文書魏君為王則知此正言自為王而年表復書魏夫人來以見魏實

爲之謀主蘇秦所謂有意西面事秦稱東藩者也

秦說魏在周致

昨於秦秦禽魏龍賈取雕陰時秦已稱王故蘇秦說以吞天下稱帝而治未定稱王故惠王自言毛羽未成文理未明

特以崛起西陲又值六國從親兵不敢闕函谷旋自

韜晦耳及滅巴蜀取河西益富厚輕諸侯而王號遂達於

周京焉張儀傳秦惠王十年以儀爲相儀相秦四年立惠

王爲王與周紀正合是再稱而後定也魏自杜平之後兵

敗子虜國威日替中間頗示貶損

國策齊敗魏馬陵殺太子申欲報之惠施請王

變服折節因田嬰以朝齊又甘茂曰梁君子死身布冠而拘於秦呂氏春秋惠王布冠而拘於鄭齊威王幾弗受合觀數書其去

故其爲王一見於秦孝公之初再見於徐州

王號明矣

之會最後秦紀所云魏君爲王凡三稱而後定也魏終稱

王殆亦張儀所爲儀魏人而相秦其還魏蒲陽公子繇出質欲魏先事秦而諸侯效之因使與秦並立爲王史獨書

月日者欲自詡其功耳

儀言秦待魏甚厚魏不可無禮正指此通志乃爲改云四月戊午始

爲王韓魏亦爲王失其意矣

否則魏王久矣何尙稱君且亦何與於秦

而必詳書之哉然此要皆惠王事非襄王也自改元一誤

強以惠爲追尊

改元自梁惠始先於秦者十年史未之知故秦紀惠文十四年更爲元年表直云初

更元年意謂其創見也然如鄭厲公突衛獻公衎並有後元年亦改元之權輿事蹟圖譜乃謂古無改元殊誤釋史

年表於秦惠更書元年於梁惠止讀孟者又強改王爲君

書三十七八至五十二年亦未安故并列國稱王之年詳著之庶乎論世有憑也

右附論梁齊諸國稱王之年

論孟子世者必乖核周之年蓋周之年數平王以後易知
 幽王以上難知故諸家記述長短錯出要與孟子去齊時
 所言由周而來七百餘歲合者爲得之史周本紀武至夷
 無年數厲三十七合共和十四爲五十一宣四十六幽十
 一據表東周歷平一五十桓三十莊五十釐五惠二十襄三十頃
 六匡六定二十簡四靈七景二十敬四十四表四十三
 元八貞定二十考五威烈四安六烈十顯四十慎觀
 六至赧九五十滅於秦凡五百十七年據集解引汲冢紀年
 曰武王滅殷至幽王凡二百五十七年共七百七十四年
 計孟子時纔滿七百以成王定鼎郊鄒十年七百推之猶

未及十數也

年表起共和元訖敬四十三凡三百六十五年六國表起元王元訖赧五十九凡二百二十

十一年兩共

漢律歷志載劉歆三統云周昭王以下亡年

數故據周公伯禽以下為紀伯禽至春秋三百八十六年

桓公立下云此元年上距伐紂四百歲

據魯歷伯禽至惠三百八十六加武

王七周公攝政七適得四百則當云隱而非桓

春秋盡哀十四年凡二百四十二

年又云周三十六王八百六十七歲視本紀多九十三年

魯歷煬六十年獻五十年史世家煬止六年獻三十二年

江永羣經補義據此謂歆誤衍七十二年經世諸書承之

武王已卯至赧王已酉實七百三十九年與孟子合

以孟子仕齊及卒年計之當直

云八百歲不僅七百餘歆得無橫斷年數損夏益周如續

漢志所譏耶然所由錯午者良以夷昭之際在漢已失年

數故耳皇極經世通鑑前編以武王克商為十三年己卯

夷依世紀

帝王世紀夷十六年見史正義

厲依史記又增昭為五十一

廣宏

明集齊釋統答高麗使云周第五主昭王二十四年甲寅依竹書甲寅是昭十五年

至十九年崩此云五十一蓋據

陶宏景刀孝為十五故自己卯至幽王已三百五十一年

劍錄也
歷平至赧五百七年合八百五十八年視劉氏僅少九年

亦與孟子不合竹書總舉西周之年曰武王滅殷歲在庚

寅

據本書是年伐殷明年周武王十二年辛卯克殷

至幽王庚午共二百八十一

年

據本書武十七成三十七康二十六昭十九穆五十五共十二懿二十五孝九夷八厲二十六宣四十六幽十

一則多

其自平王元至隱

即

十六年與本紀同惟敬多二

年

四十四

元少一年

七

烈少三年

十

耳加隱後四十三年二

周共七百九十六年

集解引皇甫謐言武王定位元年在乙酉六年庚寅崩前於竹書僅五年

而敬王元己卯已後於竹書壬午三年何亦云八百六十

七歲與漢志同耶宋書禮志推武王以庚辰崩周公壬午

出居東是又以竹書定位之年為崩年廣宏明集釋統引

陶隱居年紀楊玠史目稱懿王治三年元王治八年貞王

治八年悼哀思共一年貞即慎觀是書魏史所記與孟子

也彼此增損視竹書少十八年

同時空無所誤但原本爛脫或出後人校綴燕噲死繫於今王七年與

史表同當是且諸書言周皆始武王滅殷孟子言五百年

衛恒等所為

興王之事當從文王受命之年始尚書泰誓序惟十有一

年武王伐殷鄭康成注云本文王受命之年數之知必本

文王者以人事則專征質訟以天瑞則赤雀丹書舊邦新

命實始作周觀兵繼父志耳敢自有其年哉

逸周書小開稱三十五祀

至文傳言文王受命九年則改年信矣柔武鄭謀諸篇所
稱元祀一祀二祀三祀武王即位之初未改元先正名號
也大匡文政之十三祀則觀兵時連文王數之孔晁注元
祀云文王卒之明年注三祀云自文王受命至此十年克
殷解陳於牧野注云十三年正月其後武微維十有二祀
四月王告夢又言立後嗣屬小子誦此武王有天下之後
接前三祀數之至此為十二祀而崩也以此推之益知前
十三祀非專屬武王否則十二祀而崩十三祀尚克殷乎竹
書謂元年庚辰嗣位十
二年庚寅伐紂誤矣 儒者說文王之崩七年九年不同

觀孟子言諸侯有行文王之政者七年之內必為政於天
下又言師文王大國五年小國七年必為政於天下即可

據此斷之 書傳文王受命一年質虞芮之訟二年伐邗三

年而崩律歷志三統上元至伐紂之歲十四萬二千一百
九歲歲在鶉火張十三度文王受命九年崩後四年武王
克殷凡十三年歲亦在鶉火左傳昭三十二年正義論歲
星超辰云歲星逆行十二歲一周天常數也實則一歲之

出處時地

行有餘一次故昭十五年歲在鶉火服虔以至推受籙及
爲龍度天門謂歲星從申越未而至午也

太歲則詩文王篇正義最詳其辭曰中候我應云季秋之

月甲子赤雀銜丹書入豐止於昌戶再拜稽首受尙書運

授期引河圖曰倉帝之治八百二十歲立戊午部鄭注云

周文王以戊午部二十九年受命是類謀注是年赤雀銜丹書命之易乾

鑿度曰亡殷者紂黑期火戊倉精授汝位正昌注云火戊

戊午部也午爲火必言火戊者木精將王火爲之相戊土

也又爲火子火使其子爲已塞水明倉精絕殷之象是言

文王受命在戊午部之意受命已是季秋明年乃改元故

書序惟十有一年注云是年入戊午部四十歲矣鄭以受

命元年爲入戊午部三十年故此言四十也以歷校之入
戊午部二十九年歲在戊午其年殷九月二十五日得甲
子明年乃改元則元年歲在己未至十三年在辛未其年
正月六日得甲子譜云以歷校之文王受命十三年辛未
之歲殷正月六日殺紂鄭詩譜今無此文歐陽修作補亡亦失載友人吳騫新刻歐譜採之
是得赤雀之命後年改元之驗也又乾鑿度歷元名握先
紀日甲子歲甲寅又曰今入天元二百七十五萬九千二
百八十歲昌以西伯受命注云受洛書之命爲天子以歷
法實當云二百八十五歲此略其殘數也乾鑿度云入戊午部二十九年
伐崇作靈臺改正朔布王號於天下受籙應河圖注云受命後五年爲此似受命在前五年癸丑與此言八百二十

合而鄭注云是年受洛書之命其注維師謀又數至魯惠公末三百六十五歲或者因疑又王再受命二十四年受洛書二十九年受丹書穎達辨之謂雖與易緯相符然使赤鳥之外別有所命則論圖書者莫過中候何我應及維師謀只言赤雀丹書不言他命故知鄭之洛書卽知者三丹書而受命後五年謂受命之六年始稱王也

統歷七十六歲爲一蔀二十蔀爲一紀積一千五百二十

歲凡紀首皆歲甲寅日甲子卽以甲子日爲初蔀名甲子

蔀滿七百六歲其後年初日次癸卯爲癸卯蔀從此壬午

辛酉庚子已卯戊午至乙酉終二十蔀而復始今乾鑿度

入天元二百七十五萬九千二百八十歲以紀法除之

五百二十歲得一千八百一十五紀餘四百八十歲入後紀之

年其初年還歲甲寅日甲子以甲子癸卯壬午辛酉庚子

己卯六部除之餘二十四年卽入戊午部二十四年矣更
加五年爲二十九年受赤雀之命若推太歲卽以六十除
積年其受命之年太歲在戊午又案三統之術魯隱公元
年歲在己未其前惠公末年歲在戊午計文王受命是戊
午至惠公末年又值戊午當三百六十歲而鄭注維師謀
數文王受命至魯公末年三百六十五歲者誤加五字也
據此則文王戊午受命己未稱元武王辛未伐紂王氏鳴盛尚書
後案云國語歲星在至平王四十八年戊午凡三百六十
午爲未亦與鄭合年合春秋二百四十二年史表二百二十四年
起敬四十
訖報五十
九實八百二十六年河圖所以整言八百二十也孟子此

言發於顯王四十年之後已七百六十年內外故亦整言
七百餘歲也而竹書所謂庚寅乃戊午部之首年經世之
己卯世紀之乙酉則皆尙在己卯部也蓋緯書輔經而行
推算運歷最爲精密康成經師宿儒深所信用旣爲之注
又取以譜詩注書而穎達復詳加證引以明之殆確不可
易且自文王戊午至靈王庚戌孔子生得五百三十二年
是由文王至孔子五百餘歲也又七十三年孔子卒又九
十五年而孟子生其曰由孔子至今百有餘歲必在私淑
願學之日故自任見知也孟子之世卽是可考見矣

右附論周年數

仕鄒

孟子之仕自鄒始也時方隱居樂道穆公舉之爲士孟子乃傳贄爲臣得見於公會與魯閔有司多死者公問如何而可孟子以行仁政勉之旣遭父喪葬以士禮祭用三鼎棺斂稱財貧故也時天下地醜德齊士尙游說孟子名聞諸侯多以禮幣交際者孟子以不爲臣概不往見惟一之任見季子以其處守不得之鄒也後以鄒不能用遊於齊時年蓋五十餘矣

筮仕於鄒有二據焉孟子言庶人不傳贄爲臣不敢見於諸侯七篇中君臣問答惟齊梁鄒滕而已梁滕以聘齊以

仕使非委贄穆公則以士之招招庶人庶人豈敢往哉此一據也樂正子曰前以士後以大夫趙注孟子喪父時爲士喪母時爲大夫禮士祭三鼎大夫祭五鼎使孟子不仕於鄒安得葬以士而祭用三鼎也觀平公臧倉俱云前喪則喪父不在仕齊之日明矣禮云四十曰強而仕又云四十始仕孟子親老家貧年踰四十不見錄於父母之邦輒以草莽臣遊事齊梁有是理乎編年乃謂事湣王後方見鄒穆公滕文公歸魯閻氏生卒年月考晚始遊梁齊久之歸鄒見穆公又如宋魯滕殊不然也

右辨先仕鄒

古之上士中士下士皆有職之人也其未仕而讀書談道者通謂之儒周禮儒以道得民魯論女爲君子儒是也閒亦稱士如管子置士鄉十五以居士曾子士不可以不宏毅之類春秋而後有游士處士則皆無位而客遊人國者矣孟子所言士亦有二萬章之不託諸侯彭更之無事而食及王子墊所問此無位者也無田不祭及士以旂大夫以旌前以士後以大夫則並指有位者也

右論士

穆公之行仁政見於賈誼新書云鄒穆公有令食鳧鴈者必以糝母得以粟於是倉無糝而求易於民二石粟得一

石牝吏以爲費請以粟食鴈公曰粟人之上食也奈何以
養鳥也君者民之父母取倉中之粟移之於民此非吾之
粟乎粟在倉與在民與我何擇鄒民間之皆知私積之與
公家爲一體也新序又稱穆公食不衆味衣不雜采自刻
以廣民親賢以定國親民如子鄒國之治路不拾遺臣下
順從故以鄒子之細魯衛不能輕齊楚不能脅穆公死鄒
之百姓若失慈父行哭三日四境之鄰於鄒者士民嚮方
而道哭據其言與孟子所謂上慢而殘下者迥異豈壅於
上聞罪固專在有司而孟子一言悟主乃側身修行發政
施仁以致此歟

集注考證曰蓋因孟子之言而自反者歟

夫親賢定國宜莫如

孟子而當日不聞大用意穆公老年悔過不久卽薨也然史記敘十二諸侯必曰鄒魯則知穆公以後鄒已班在魯前君子居人國其君用之則安富尊榮豈虛語哉韓非又有田駟欺鄒君事不知是穆公否史貨殖傳云鄒魯濱洙泗猶有周公遺風俗好儒備於禮故其民嚮嚮畏罪遠邪由今言之殆又孔孟之教澤也

右論鄒穆公

左傳文十二年任國注今任城縣漢地理志東平國任城故任國太昊後風姓與魯國鄒縣俱隸兗州今濟南府東任城廢縣西北距古鄒城百二十里許屋廬子往來其間

一宿卽至也續孟子有任季子欲授孟子祿孟子辭去云云乃想當然之辭

右附論之任

仕齊

山東之國齊號強大其地勢雄於天下宣王於是侈然有撫蒞華夷之意招徠文學游說之士以爲圖王不成猶可以霸也孟子見天下大亂民生憔悴冀王可爲湯武跋涉千里梁千里而遠齊鄒千里鄒始至境問禁而入然未卽見王也過平平而近約之皆千里也舊魯中都地後屬齊去臨淄陸陸六百里與鄒爲近今汶上縣與大夫孔距心善處焉齊相儲子以幣交且言於王王疑其有異使人矚之而孟子終守

不見之義萬章陳代之徒並疑之

事蹟圖譜二人皆答以景公事以其爲齊往事易曉

也

既而王求見甚迫乃由平陸之齊屋廬子以季任故事度

必一往報儲子孟子卒不往三見齊王未嘗言事適從胡齋

聞易牛之事曰是心可以王矣他日王問桓文孟子卽語以

王道王雖自言惛不能進而敬禮有加奉爲賓師班視列大

夫嘗見王于雪宮

有謂館孟子于雪宮者四書釋地辨之甚精然齊嘗爲淳于髡慎到田駢等開第康

莊之衢高門大屋尊寵之則孟子當自有第也前後進說甚多凡聲色貨利遊觀園

囿之屬皆教之同民所陳必堯舜之道王稍稍厭之甚至語

以境內不治願左右而言他而孟子亦以母喪去職矣自齊

葬於魯使充虞敦匠事棺槨衣衾之美殆過父喪時所謂得

之爲有時也後竟因是爲魯臧倉所毀事畢反於齊止於嬴

既免喪自范之齊

後魏書地形志范平陸俱屬東平郡或以范平陸相近當是初至齊時由平陸而范

而齊故創見王子而嘆異之亦通

見王於崇退有去志王命孟子爲卿致祿

十萬辭不受祿號爲客卿

傳于髡言在三卿中蓋亞卿蓋不以不治事故時謂之客卿

欲變其初心且可爲進退地也時弟子日益進公孫丑公都

子陳臻咸邱蒙盆成括高子等皆齊人來學者因材施教引

而不發躍如也顧孟子志在行道以王齊而國無親臣都無

良牧蓋大夫王驩方嬖幸用事進爵右師舉朝視其君如國

人絕無以仁義與王言者王怠於政事或數日不視朝諫言

不用孟子進見固罕而王之意且欲孟子舍所學而從之不

智甚矣一日孟子將朝適王使人召之遂不果景丑疑其不
敬孟子言達尊有三爵齒德而已烏得以爵之一慢齒德之
二哉會燕王噲讓國於子之齊伐燕勝之王謂天與不可不
取于是毀其宗廟遷其重器樂毅遣燕惠王書曰故鼎反乎
曆室高誘謂齊殺噲得鼎今反
歸燕故鼎則知重
器竟入於齊矣盡有其地諸侯多謀伐齊孟子言急爲燕

置君則諸侯之師可及止也王勿聽未幾燕人畔王甚慚悔
有陳賈者乃從爲之辭而當時且有訛傳孟子勸齊伐燕者
齊人之虛詐不情好議論如此初孟子無意仕齊以有師命
不可以請然非有官守言責之得失也齊人不知漫以蜚語
之義繩之而公孫丑亦以素餐爲疑不知君子居國爲功於

君及子弟者甚大卽有故而去亦豈若小丈夫之悻悻哉惟是異姓之卿與貴戚不同君有過則諫諫不聽則必去而不久留也王嘗問舊君反服之禮孟子告以有禮則爲之服寇讐無服所以陳善閉邪者甚至而無如好臣所教一暴十寒雖有萌亦無如何甚且議欲短喪而孝弟之心滅矣視向之不忍一牛抑何輕重倒置之甚哉孟子知難與有爲不得已致爲臣而歸集注考證曰致爲臣諸章在燕人畔後似爲此去齊王卒不改纔一就見而已乃猶欲以授室萬鍾餽金一百爲虛拘貨取之計齊人亦卒無善於畱行如穆公之安子思者孟子以王猶足用爲善未忍遽去三宿於晝望王改而反之及出晝而終不之追

然後浩然有歸志焉此則愛君澤民之深意固非尹士所知而淳于髡名實未加之謂尤不識君子所爲矣孟子在齊最久先後凡數載時年已六十內外去齊之日計自周以來七百餘歲以興王名世之說推之能平治天下者舍孟子而誰使宣王能用孟子席辟聚之勢行湯武之政以齊王反手易耳而竟使不遇以去非有道無時天實爲之哉蓋孟子於齊之去畱實世道治亂之一大關也方孟子在齊自王子以及卿大夫皆願見顏色承風旨子敖驟膺寵任尤以得見親比爲幸其使魯也挾樂正子以俱來及出而於滕朝暮進見欲一與言行事不可得時猶攝卿也至公行之喪朝士爭趨右

師孟子獨否右師滋不悅孟子則曰吾欲行禮非簡子教也
卒不加惡焉同僚則莊暴時子景子東郭公行雖常往來未
嘗莫逆也至若責善之匡章獨與之遊巨擘之仲子不可爲
廉則更有察之衆好衆惡者其餘求富貴利達之徒孟子視
之直東郭乞兒而已初至日少繼至日多初至爲大夫繼至
加卿相閻百詩謂仕齊不下六七年今其年月可考者如蚺
鼃爲士師數月伐燕舉以五旬而取燕之後踰年始畔又先
因饑請王發棠賑之其後再饑國人因有復發之說嘗一使
於滕一之平陸中復居三年喪而七篇中紀齊事者凡四十
六章稱宣王者十四章分見梁惠滕文離婁盡心諸篇而與

公孫丑答問極多此亦可見其久於齊也

孟子事齊宣王始末本書甚明自史誤以伐燕一事繫之

湣王十年以致諸家聚訟通鑑割湣王之十年以屬宣王

大事記似矣朱子謂無他據不自為說而錄其文不計其年大事記綱目並云赧

王元年去齊以燕畔在是年也若依史惠王三十五年遊

梁明年去梁適齊則孟子在齊二十二年矣斷無是理萬

斯同作孟子仕齊辨論之甚詳但以淳于髡名實未加之

言為初游齊之事其再至齊在宣王勝燕之時王方得意

故再召孟子與商取燕之策未幾喪母於齊終三年喪踰

二年燕畔而去故王有今又棄寡人而歸之語以又字為

再至齊之證計其時正在赧王元年未免支離總之孟

子仕齊中惟自齊葬魯一去位耳並無再仕齊之事

蘇轍古史直云先事齊宣王後見梁惠襄又事齊湣綱目既

依通鑑序說又用史記因謂湣王後來不好門人為孟子

諱改爲宣王

見語類

黃氏日鈔據史記伐燕有二事一爲宣

王卽梁惠王篇所載一爲湣王卽公孫丑篇所載時湣王
尙在故不稱諡止稱齊王事蹟圖譜云先齊宣後梁惠襄
滕文復至齊事宣王至伐燕而後去年譜先齊宣繼梁惠
宋薛居鄒滕文公立之年之平陸事齊湣自六年至十年
去齊事鄒穆滕文歸魯編年始見齊宣繼遊梁宋薛因孟
嘗君見齊湣王說雖不同皆泥史而變亂孟子之遊歷者
也夫史之誤前已言之矣竊觀子長於此事亦頗棘手何
也史於攻伐靡不詳記獨齊之伐燕世家及表俱絕不道
一字惟燕表書君噲及太子相子之皆死其年則當湣王

十年耳然亦不言爲齊所破至燕世家本極疎謬如惠侯
以下皆失名宣侯以下不說其屬桓獻二公爲他書所無
譙周謂襄公下無桓公十六年紀年簡公下無獻公十二年是其差二十八年矣而伐燕事則搏

拑國策之文云易王初立齊宣王因喪伐我取十城蘇秦
說使復歸又云噲旣立齊人殺蘇秦齊宣王復用蘇代燕
噲三年子之相燕代爲齊使燕說噲以國讓子之三年國
大亂太子平謀攻子之諸將謂齊湣王曰因而赴之破燕
必矣孟子謂齊王曰今伐燕此文武之時不可失也王因
令章子將五都之兵伐燕士卒不戰城門不閉燕君噲死
齊大勝燕子之亡二年而燕立太子平是爲燕昭王

裴駰案及

家紀年曰齊人禽子之而醢其身今本竹書繫於魏夫復
襄王五年此又誤也讓國子之事最詳於韓非子

用蘇代者爲宣王則噲立秦死俱不在湣王初明矣而其

下又言湣言齊何耶且秦紀惠王十一年燕君讓其臣子

之

據表是年子之死

是較遲二年趙世家武靈王十年齊破燕

據表

在十年燕相子之爲君君反爲臣十一年王召公子職於韓

立爲燕王使樂地

一作池

送之

燕世家不載

是較早二年而立職

卽在明年則燕之畔齊亦不待二年矣同在一書而前後

背馳若此非以事涉乖張故言不及檢耶試以國策考之

其謬益見燕策燕王噲旣立篇其用蘇代及儲子勸齊宣

王伐燕孟軻謂齊王等語俱明指宣王與孟子悉合史乃

取其文而改儲子爲諸將於宣王宣字一改爲湣以曲護
六國表之失一改爲齊以影附孟子之書此其當從策而
棄史不待智者決矣又其前蘇秦死一篇載蘇代見燕王
噲曰臣聞王居處不安飲食不甘思報齊有之乎王曰我
有深怨積怒於齊欲報之二年矣齊者我讐國也寡人所
欲報也代又言齊王長主也南攻楚西困秦又舉五千乘
之勁宋云云大事記謂此說燕昭王之辭策誤爲噲是也
然此齊王亦決非湣王何也湣卽位未久其對齊貌辨自
言寡人少殊不知此何得遽稱長主貌辨事依史當作湣
王國策作宣王誤鮑
彪改定是也呂氏春秋其所謂舉宋者據宋策康王前兩
知士篇亦誤作宣王

言齊攻宋即其事也如依田完世家以湣王三十八年滅

宋事當之

策注如此蓋鮑彪極詆高誘以陳賈為孟子書所稱伐燕為齊宣王因發憤更注宜其所見乖

也謬則燕昭王立已二十六年與欲報二年之說更不合則

知是時宣王尚在也宣王在位久故稱長主也

新序列女傳並載無

鹽女鐘離春見宣王言有四殆其一云春秋四十壯男不立王乃拜為后亦宣王晚立太子之證

齊策云

張儀以秦魏伐韓齊王將救之田臣思曰王之謀過矣子

噲與子之國百姓不戴諸侯弗與秦伐韓楚趙必救之是

天以燕賜我也齊因起兵攻燕三十日而舉燕所謂三十

日舉燕國者非即孟子稱五旬而舉者乎策繫之閔王

即湣

王固誤史則刪卻子噲句輒取其辭雜入邯鄲之難南梁

之難二篇繫之桓公五年又繫之威王二十六年又繫之
宣王二年文雖三見終不及伐燕子噲一語大可怪也案
田臣思索隱謂卽田忌史言其與鄒忌不善亡之楚宣王
召而復之其說王伐燕爲宜甚明又趙策武靈王首篇云
齊破燕趙欲存之樂毅請以河東易燕地於齊王從之楚
魏憎之令淖滑惠施之趙請伐齊而存燕武靈元年史表
當齊宣十八年策繫於首則知破燕在其前矣魏策襄王
當作惠王記云楚許魏六城與之伐齊而存燕張儀欲敗之謂
魏王曰齊畏三國之合也注楚必反燕地以下楚據史儀
相魏在襄十三年張儀傳魏入上郡少梁於秦又在其前

數年則知敗魏伐齊之事必在相秦惠王時約其年亦宣

王時也夫史之踏駁既如彼策之明白又如此伐燕之斷

非湣王十年而在宣王三十年內外宣三十年表灼然無

疑矣然則文雖闕漏尙非漫無可考後之讀孟子者亦何

惜數日之力一爲參定而必欲委曲遷就也乎至謂伐燕

前事卽梁惠王篇所載尤非夫易王初立何至虐民而謀

置君乘喪伐人豈得云拯之水火取僅十城旋因蘇秦之

說歸之何云倍地且欲出令反旌倪止重器也况趙送公

子職及策所載伐齊存燕非又諸侯將謀救燕而燕畔齊

之證乎寤凡以諸侯謀救燕卽史記昭王二十八年入齊事而謂孟子之徒誤記尤謬若以稱諡

與否爲斷則莊暴章終篇不見宣字將亦謂之湣王耶吾

又知其說之立窮也

休希元四書存疑宣王曾以取燕問孟子言而致燕畔所以慙於孟

子也若湣王何慙之有不曰宣王而曰王亦偶然致詞不
同耳。葉大慶考古質疑曰舊見一策問云齊伐燕孟子
得於親見遷史出於傳聞而近作古史者斷然以爲湣王
而不信孟子何也當時對者不暇詳究近見陳氏新話云
齊宣王伐燕見於孟子而史無其事燕世家燕王噲立三
年云云孟軻謂齊湣王曰今伐燕云云此與孟子沈同問
答事同則伐燕乃湣王也燕噲之立當湣王四年噲亡而
昭王立二十六年燕與秦晉五國共擊齊而燕獨入至臨
淄取其重器湣王亡走莒此則孟子所謂諸侯多謀救燕
伐寡人者皆湣王時事孟子何以誤爲宣王遑之曰孟子
書非軻自著其徒相與記軻所言意以此故誤也大慶嘗
考史記齊世家無宣王伐燕事燕世家所云齊宣王取十
城乃在燕易王時非噲也及後噲立讓國子之國大亂諸
將謂齊湣王曰因而赴之破燕必矣云云又考六國表齊
宣王立於周顯王二十七年凡十九年而薨子湣王立四
年燕噲方立是噲不與齊宣同時也噲立五年而遜國又

三年而齊破燕卽周赧王元年時湣王立十一年矣然則
 伐燕乃湣王非宣王誠如陳氏之論雖然大慶又考之戰
 國策燕王會既立蘇秦死於齊蘇秦之在燕也與其相子
 之爲婚而蘇代與子之交及秦死而齊宣復用代使於燕
 燕王問齊王何如曰必不霸曰何也曰不信其臣代欲激
 燕王之厚任子之也於是燕王大信子之子之南面爲君
 而行王事三年燕國大亂諸子謂齊宣王曰因而不赴之破
 燕必矣矣孟軻謂齊宣王曰今伐燕此文武之時不可失也
 王因令章子將五都之兵因北地之衆伐燕燕王噲死齊
 大勝子之亡由戰國策而觀則齊宣伐燕與孟子昭合又
 未可謂孟子爲誤也然則以孟子爲誤皆因遷史世家年
 表而爲是言歟司馬公作通鑑乃於周顯王三十六年云
 齊威王薨子宣王立顯王四十八年云燕易王薨子噲立
 據此則齊宣王正與燕噲同時赧王元年燕國大亂齊伐
 燕且舉孟子答問之言甚悉是歲齊宣王薨子湣王立然
 則齊宣王十九年通鑑之言亦與年表同獨年表以宣王立於
 顯王二十七年通鑑以宣王立於顯王三十六年爲異故
 自是次第有差爾溫公進通鑑表以爲編閱舊史使摘幽
 隱校計之釐豈有此大節目不加考究而或誤乎况孟子
 答問歷歷戰國策又有可稽乎然卽史記參觀互考紀傳

世家之與年表其前後歲月又皆相應如伐燕一事又未
足以決史記之爲誤獨有一事或可爲證何者以其未免
自戾也越世家云越王無疆北伐齊齊威王使人說越云
伐齊不如伐楚之利越遂釋齊伐楚楚大敗之殺無疆北
破齊於徐州按此則破齊於徐州乃越因齊威之說而伐
楚楚因敗越之勢而破齊正齊威王時也年表於徐州之
圍乃載於顯王三十六年爲宣王之世豈非遷之自戾歟
然則徐州之圍旣爲威王之時則宣王非立於顯王二十
七年可見而通鑑所載爲得其實是伐燕爲宣王明矣大
抵卽此可以明彼而因其自戾則尤可以辨而破也大慶
於此蓄疑不決者幾年矣今也考證獨勞觀者毋但曰食
肉者母食馬肝未爲不知味也廣業案大慶此辨據策證
孟極有所見徐州之圍由史誤分威
宣爲二人致有岐誤非止自戾已也

右辨伐燕非湣王

孟子一生臣事者惟二君鄒穆齊宣是也仕鄒位卑望輕
紀述從畧齊則位高望重矣故特書爲卿於齊其去也又

書致爲臣而歸而與宣王言每稱必曰臣穆公祇一見雖
無稱臣明文而三稱曰君與對滕文公自稱吾對畢戰戴
不勝稱子之君子之王者迴別魯勝有言曰孟子非墨子
其辨言正辭則與墨同今觀七篇於名分稱謂洵極精審
如與齊梁鄒滕諸君語必書孟子對曰名分之際所謂以
德則子事我以位則子君也我臣也樂正子告魯平公稱
孟軻君前臣名亦分所在而曰君曰侯師弟已異稱矣至
與梁惠問答王旣自稱寡人

齊宣亦稱寡人或稱吾

稱孟

子爲叟矣時孟子雖未爲臣亦斷無稱吾及予之理度非
稱臣卽稱名而篇中絕不一見此必有意削去以明不臣

之義非苟焉已也今以驕暴不仁身弑國亡之湣王

鮑注國策

齊貌辨曰太子相不仁過順承視指湣王呂氏春秋知士篇作宣王又顧承作顧涿注顧涿不仁之人也史記諸侯

害湣王

素不謀面

望見王子趙注王庶子強謂孟子臣事

之稱美而依戀之至梁惠王則反改爲君將謂記者誤耶

抑疑孟子阿世苟容不顧名實也恐亞聖亦未可以厚誣

矣○梁之稱王孟子明知其僭斷無稱君之理觀左傳吳

楚諸王論語葉公自明

李襲於孺注筆云孟子於梁稱王於齊王稱臣於鄒稱君於滕稱子

同一諸侯何大遜於齊次遜於梁傲於鄒深傲於滕皆夢藝也

右辨不事湣王

孟子居母憂三年非喪事不言獨充虞一答爲喪葬盡禮

之大者故記之自齊至止贏十一字該括數年行止後人

誤認止爲舍於逆旅遂致異說紛起

有謂葬畢卽求仕者張熾于百年眼載許

竹君曰孟子勸人行三年喪而其身乃不終喪於家此說

固謬顧寧人謂爲改葬閭百詩謂終喪於家而後人齊爲

卿並

夫止贏非卽至齊也止猶處也

鄭氏大學注止猶自處也縣詩曰止傳訓

非止處此以終喪也讀者口滑便以止贏爲至齊誠使既至

於齊則言反足矣何必復言止於贏若云因充虞問敦匠

事於此故繫之

亦問氏說

則後有路問之例亦不必詳其地況

往送如慕其反如疑當此時而信宿中途何爲乎蓋贏去

臨淄尙遠趙注齊南邑左傳桓三年會齊侯於贏注齊地

今泰山羸縣

鄭康成檀弓羸博注同

史記正義故羸縣在兗州博城

縣東北百里四書釋地羸縣故城在萊蕪縣西北四十里

北汶水之北去齊臨淄三百餘里

三遷志今萊蕪縣有孟止亭

乃齊之

邊境近魯與鄒者也或謂孟子葬母於魯乃不卽廬於魯或徑歸鄒而必反齊止羸何也古無廬墓之說蓋葬以藏體魄其魂氣每於居常遊息之地有餘戀焉故送形而往迎精而反葬日必速反而虞孟子所以不廬於魯而反也遭喪去國未嘗致爲臣安得遽旋故土孟子所以不反於鄒而反於齊也反齊矣卒於羸是止者孟子之自齊葬魯以孟母生就養於齊也列女傳載孟子處齊有憂色孟母問之對曰道不用於齊願行而母老是以憂也孟母曰夫

死從子禮也子行乎子義吾行乎吾禮揆當日情事孟子
之久留齊固由王足爲善實因母老待養而又不欲藉口
祿仕故特不受其田里亦不拘於職守因得優游忠養以
終母餘年劉長盛曰子輿所以辭齊大夫良以色養無主
故耳

見晉書

斯言深得其意迨葬母而反終喪之禮又可以

義起喪服小記曰遠葬者比反哭者皆冠及郊而後免反
哭此言本國臣民墓在四郊之外者也孟子居賓師之位
不與在朝諸臣一律且已奉喪越境而葬其去始死纔三
月餘方哀親之在外而居於倚墜哀親之在土而寢苫枕
由豈忍遽加冠飾遠入人國都之理於是權其所止羸爲

齊地而介鄒魯之間可以展墳坐望宗廟銜恤以待喪畢
因以爲五虞卒哭練祥之所此實孟子有望弗至之至情
權而不失其經者也至充虞之問並非卽在止嬴之日三
年之喪創鉅痛甚唯而不對虞卽意有所疑何敢遽出一
言重傷長者心必待慨然廓然始竊以本美爲請觀其追
溯前日以迄於今尤可見矣閻百詩曰若以前日爲疑則前日於齊前日願見皆直指六七年前或謂充虞不應蓄疑如此之久獨不思屋廬子之於任平陸陳臻之於齊宋至數年而後問者多矣此論最說者未識仁人孝子之用心徒費曲解耳
漢志范屬東
州境四書釋地范今東昌府濮州范縣春秋半屬魯孟子時屬齊去齊都百七十八里故知自嬴之齊當經范也

右辨止嬴未卽入齊都

適宋過薛

孟子去齊居休

四書釋地故休城在今滕縣北十五里離孟子家約百里旋歸於鄒趙注

去齊欲歸鄒至晝而宿休慎思年六十餘矣聞宋王偃將行

仁政往游焉會齊楚惡而伐之萬章以國小為慮孟子以湯

武之事告之蓋以弔伐望宋王也

世家稱東敗齊取五城南敗楚取地三百里考齊楚

世家年表俱無之史蓋因孟子之文緣飾之耳故不取王雖問餽不廢而就見無聞孟

子亦卒不往此與公孫丑言古者不為臣不見也其臣戴不

勝荀子戴驩注以為即不勝韓非子云戴驩宋太宰戴盈之一則進善士薛居州於

王而不知一傳眾咻一則知征賦之非義而下同月攘一雞

其苟且圖治可見矣時滕文公為世子將之楚過宋來見蓋

孟子嘗以齊卿出弔於滕稔知其賢故也

集註考證去齊歸鄒卽如宋與句踐

不勝問答則滕世子過宋而見正此時自滕而西南過宋三百五十餘里

孟子與道性善稱堯舜

世子疑其言過反自楚復來見孟子因告以無他道也有句

踐者好遊而不知所以遊孟子語以尊德樂義居久之梁惠

王卑禮招賢孟子欲往應之宋王聞將有遠行餽金五十鎰

辭曰餽賸孟子受之遂行時人有欲害孟子者孟子有戒心

乃取道於薛以歸鄒薛君餽金五十鎰辭曰聞戒

趙注聞有戒此金可

驚以作兵備也孟子受之始得歸於鄒已復之滕而梁之行暫寢矣

大事記赧王二年自齊之宋自宋適滕誤

年表宋君偃元年當周顯王四十一年實梁惠王後元八

年也世家謂君偃十一年自立爲王今觀孟子在宋時偃
在位三四年當齊宣王之三十二三年而已稱爲宋王趙
岐云周末列國皆僭號自稱爲王故曰宋王則自立不必
在十一年史蓋與秦魏之王同一舛出也觀孟子萬章問
答意其初政尙有可觀者戰國策所謂射天笞地世家所
書注於酒婦人諸侯皆曰桀宋者乃其晚節不終時孟子
去宋則已久矣宋滅在王偃之四十七年孟子固不及見
卽不勝居州等亦應老且死矣

李于鱗滄溟集有擬秦昭王遺齊湣王謀伐宋書極

言偃之暴至云太宰戴驪國老薛居州諫臣也諫偃曰王欲行王政云云偃怒罵曰一薛居州其如宋王何關弓向射之語遂牽合孟文讀之令人失笑

齊楚之仁臣集云

齊攻宋宋使臧子索救於荆荆王許救而卒不至齊因拔宋五城是也策繫於剔成之世鮑彪注因言孟子所稱審皆剔成吳師道已譏其傳會矣又史蘇秦傳齊伐宋宋急蘇代乃遣燕昭王書勸之伐齊亦正在殺子噲後

右論宋偃王

孟子所在之薛乃齊靖郭君田嬰封邑非春秋之薛也左傳隱十一年薛侯注云魯國薛縣正義引譜云奚仲封薛侯今魯國薛縣是也奚仲遷於邳仲虺居薛武王封其冑爲薛侯小國無紀世不可知亦不知爲誰所滅容齋續筆云周末爲宋偃王所滅韻會爲楚所滅齊乘愍侯洪爲齊所滅封靖郭君於此據孟子當爲齊滅公羊哀四年

出處時地

注云滕薛俠穀此春秋之薛也史孟嘗君傳潛王三年封
嬰於薛嬰卒子文代立續漢志魯國薛縣本注云本國六
國時曰徐州補註引皇覽曰靖郭君冢在城中東南甌張
守節史記正義曰紀年梁惠成王三十年水經注引作三十一年下
邳遷於薛改名徐州又曰薛故城在今徐州滕縣南四十
四里此戰國之薛也其時薛爲齊有地鄰於楚故國策載
齊將封嬰於薛楚王聞之大怒將伐齊公孫開往見楚王
曰齊削地以封嬰是其所以弱也楚王乃止後昭陽又請
以數倍之地易薛嬰不可時嬰以宣王庶弟相齊十數年
得於薛立先王之廟而閔王及齊貌辨皆呼爲靖郭君以

為諡索隱云或封邑號也至田文直稱薛公而索隱引紀案此與平原春申同例

年云梁惠王後元十三年四月齊威王封田嬰於薛史表梁襄

十四年正惠後元十三年齊湣三年正宣之三十六年戰國湣王策靖郭君曰受薛於先王則封自宣王甚明史作

湣王十月齊城薛十四年薛子嬰來朝竹書亦云梁襄王封誤

十九年薛侯來會王於答其水經注引竹書紀年作金邱蓋不特大都

耦國其名數已儼同列侯故孟子過此亦受其餽也薛與

滕近文公聞築薛而恐是也故城在今滕縣詳前齊湣王將之薛假

途於鄒見史記魯仲連傳而太史公言吾嘗過薛其俗與鄒魯殊

則地近鄒魯又可知矣方孟子在宋而有遠行其欲遊梁

無疑但梁宋接境史貨殖傳自鴻溝以東芒碭以北屬鉅

出處時地

鹿此梁宋也陶睢陽亦一都會也徐廣曰梁爲今陶之浚儀陶睢陽今之定陶又國策稱魏太子申之攻齊也過宋外黃高誘云今陳畱外黃故宋城也後徙睢陽然則自梁至齊必先過宋孟子之遊梁固宜由睢陽西達大梁否亦徑歸鄒而反折而東自薛歸鄒者有戒心故也趙岐言時有惡人欲害孟子應劭又云絕糧於鄒薛困殆甚豈薛之俗在孟嘗未招致任俠奸人之前其子弟已多暴桀異於鄒魯故惡孟子而欲害之耶抑上下無交有如孔子之阨於陳蔡者耶是皆未可知而孟子設兵戒備則非尋常剽掠明矣孟子在齊東郭公行輩皆所往還寧獨遺一田嬰

是其取道於薛固因避禍而餽金以共困乏亦東道主之義也譚氏編年多謬獨論薛爲當但以餽金爲孟嘗則又非至事蹟圖譜謂孟子將東至於薛然後適魏由薛以往必設兵以備寇盜薛宋各餽兼金必孟子爲謀其國者有善道故二君加禮迂甚

右論薛公

適滕

孟子居鄒欲遠遊梁而遲遲吾行所謂去父母國之道也俄滕定公薨世子以送死事大未敢輒行使其傅然友一再之

鄒問於孟子

史記正義今鄒縣去徐州滕縣四十餘里

由是克盡喪禮聘孟子至

滕館之上宮時從者雜沓或有竊館人履者蓋孟子自爲齊卿以來後車數十乘從者常數百人云文公首問爲國甚加敬禮使其弟滕更及門受業後選畢戰主井地之事孟子爲條其大畧使潤澤之仁政初行遠方歸嚮許行自楚至陳相陳辛自宋至行倡並耕之說與孟子牴牾因與陳相言痛斥之然滕國褊小以五十里之國竭力以事強大猶不得免孟子爲設遷國效死二策國幾危殆而孟子亦不能久畱矣孟子初至滕文公卽位未踰年稱之曰子其後稱曰君知在滕二年餘也

史記陳杞世家曰滕薛騶小不足齒列弗論故滕事無可

證明趙岐引古紀世本有考公麋與定公相直其子元公
宏與文公相直似後世避諱改考公爲定公以元公行文
德故謂之文也然亦不言在何王之世今由齊人築薛觀
之其世畧可考見蓋城薛有二索隱所引紀年齊城薛當
在宣王三十六年

見前

此一事也國策靖郭君將城薛客多

諫戒謁者勿通後有諫者曰君失齊

原作夫齊此從韓非子改

雖隆薛

之城到於天猶無益也乃輟城薛此當在湣王初年又一
事也薛本有城靖郭君欲更築而崇隆之故諫者甚多而
客言如此也滕文公言齊人將築薛築卽築斯城也之築
曰將則固其初議也王應麟通鑑答問曰滕滅於赧王二

十九年此可考者其時未知卽文公抑其子孫考滕之滅

諸書所載不同

國策作宋偃王通鑑從之漢地理志杜氏釋例水經注並作齊春秋正義作楚通志

作秦路史國名紀引紀年越王朱句二年滅滕索隱引紀

年作朱句三十四年案句踐世家無朱句紀年終襄王二

十年則其滅在赧王十六年之前矣今本竹書晉烈公五

年於魯滅滕此當是黃帝後之滕也諸說究以齊爲近是

大約孟子所至之國滕最先亡矣文公始言事齊楚繼言

事大國數圻之多非侵小何以致之孟子所以惓惓於齊

之乘勢也

適梁

梁故晉國也惠王承文武二侯之業號稱強盛在位旣久好戰而屢遭敗衄子死地削因發憤爲雪恥計卑禮厚幣招致

天下賢士時孟子年六十有六七矣齊宣王已薨滕又小國

難與成功不得已遠涉千里至梁既入其國堂高數仞食前

方丈妾侍輿從遊畋之盛殆過於齊孟子視之藐如也

觀國策廣

公宮制丹衣柱之語知孟子說大人章專爲梁惠王發

王多蓄狗馬大營臺沼值兩河

薦饑餓孳盈野王不知發粟但移民就食而已迨進見首問

何以利國孟子對以爲國者仁義而已何必曰利前後陳說

王政惠王雖云承教而志圖報復頗疑爲迂遠孟子告以仁

者無敵王請勿疑時蓋後元十七年也

表裏十六年

有白圭者自

詡善治水又欲以貉道治中國皆見排斥又有周霄者以君

子之仕爲問意在諷使貶道而陳臻亦以傳食爲泰孟子皆

開譬之時淳于髡亦去齊遊梁見孟子守禮抱道老而彌固設援手之說譏孟子不援天下之溺夫孟子非不知達權者

其如王之不果所言何未幾惠王薨襄王立孟子一見知其

無能爲遂去至石邱

偽疏以爲宋地四書釋地已辨之

遇宋經將之楚秦說

其罷兵大指言其不利孟子謂當說以仁義慎勿言利蓋猶

是告惠王之心也

孟子至梁以王顧鴻鴈推之當是秋冬時羣經補義謂在周慎觀王元年是也

惠王改元前已詳書史之失矣今考其失尙有二焉一則

世家以徙治大梁繫之惠王三十一年也梁本名魏因都

梁而改漢書地理志云晉文公後十六世爲韓魏趙所滅

三家自立爲侯是爲三晉魏後稱王徙都大梁故魏一號

爲梁當時既改號梁卽不復稱魏猶春秋荆既改楚卽不
書荆竹書韓既改鄭卽書爲鄭也孟子親至其國而著書
稱梁惠王尤明證矣史記襲用舊名或梁魏錯出此蓋因
項籍避季父項梁諱復改梁爲魏而然

詳拙著經史
避名彙考

無足

異者若徙治之年竹書在顯王四年當惠王六年漢書高
祖紀注臣瓚曰汲冢古文云惠王之六年自安邑遷於大
梁又水經注云浚儀縣大梁城本春秋之陽武高陽鄉於
戰國爲大梁周梁伯之故居魏惠王自安邑徙都之故曰
梁爾竹書紀年梁惠成王六年四月甲寅徙都於大梁是
也又云竹書紀年梁惠成王三十一年三月爲大溝於北

郭以行圃田之水此最可據史直以爲大溝之年爲徙都

之年耳

國名記徙都亦在六年裴駰及索隱引紀年俱作九年誤也張守節曰從蒲州安邑徙汴州浚儀

戰國策稱梁王魏嬰

史作嬰

賜諸侯於范臺其秦攻梁趙救

之一篇卽九年戰少梁事則徙都在前可見且史記亦未嘗不早稱梁也孫子傳臚謂田忌曰今梁趙相攻輕兵銳卒必竭於外君不若引兵疾走大梁據其街路彼必釋趙自救忌從之魏果去邯鄲與齊戰於桂陵大破梁軍後十五年魏攻韓齊使田忌將兵直走大梁魏龐涓去韓歸齊軍已過而西矣涓逐之敗死馬陵虜太子申世家言申被虜在三十年而齊先已兩攻大梁且稱曰梁尙得云三十

一年始徙乎又商君傳鞅爲大良造將兵圍魏安邑降之

秦紀同

後十數年鞅說孝公曰魏都安邑與秦界河可因此

破之鞅因襲虜魏太子卬魏惠王恐割河西之地獻於秦

以和遂去安邑徙都大梁前旣降安邑矣可復言魏都此

乎獻河西據世家又襄王事其背馳如此一則表以太子

瑩生繫於文侯二十五年也案世家是年子擊生子瑩瑩

爲文侯之孫非太子也其後又言武侯卒子瑩與公中緩

爭爲太子幾於亡國故曰君亡無適子其國可破也子瑩

旣非適長其生可不必書卽其年亦可疑矣

或在文侯三十五年嗣立

時二十歲據史三十歲

今姑據其生計之壽八十有二以朱倉所言

魏王年長推之

見國策

當亦不遠其不稱孟子爲夫子而曰

叟正以年齒相當而王差長故以此爲尊也若在三十五年則惠王年六十五孟子年止五十何叟之有乎

右論梁惠王國都年歲

國策哀王時

當作襄

有魏文子田需周霄相善欲罪犀首案

史田需犀首皆在秦惠王時故霄得問於孟子也至秦楚構兵必楚懷王十二年張儀詐許還商於之地六百里大

怒興師伐秦事在梁襄王二年

表作哀王

適孟子自梁歸鄒之

時也景春稱儀衍而不及蘇秦時秦已爲齊所殺矣

通鑑答問

據葉石林謂蘇秦揣摩之術和交不久故不取意以春不稱秦大丈夫由此恐未然

右附論周霄宋涇景春等問答

魏世家梁惠王曰寡人不佞兵三折於外太子虜上將死國以空虛寡人甚醜之此卽孟子東敗於齊一節之變文也蓋長子死在惠王三十年其說易合秦楚則皆在襄王之世不可質言姑以三折於外混之今案襄王五年秦敗

我龍賈軍四萬五千於雕陰

竹書在惠後五年

圍我焦曲沃予秦

河西之地張守節正義云自華州北至同州並魏河西之

地盡入秦也六年秦取我汾陰皮氏焦

竹書惠後六年

七年魏盡

入上郡於秦秦降我蒲陽正義云丹鄜延綏等州北至固陽並上郡地魏築長城界秦自華州鄜縣以北濱洛至慶

州洛源縣自于山東北至勝州固陽縣東至河西上郡之地盡入於秦秦本紀惠文君六年魏納陰晉七年公子卬與魏戰虜其將龍賈斬首八萬八年魏納河西地九年渡河取汾陰皮氏圍焦降之十年魏納上郡十五縣此所謂西喪地於秦也蓋其始以武卒奮勢且較勝於秦故商君以爲非魏并秦秦卽并魏後秦用商鞅張儀計佯尊以驕之乘敝而脅之遂乃納土獻郡疲於奔命其曰喪地者猶諱詞也國策甘茂稱梁君子死身布冠而拘於秦秦策蘇秦謂秦王垂拱受西河之外齊策張儀謂魏必入西河之外秦策而史商君傳亦言梁惠王割河西之地以和是其事也夫

三晉鼎分地必相埒而其後蘇秦言趙地二千餘里魏地
千里韓地九百餘里非數被侵削何韓魏俱滅於趙之半
也李復涵水集謂魏所喪不止七百里殆有然也觀蘇厲
遺趙王書云秦之上郡近挺關至榆中者千五百里此虧
則彼贏不又其明證哉若所謂南辱於楚者世家襄十二
年楚敗我襄陵竹書惠後十二年楚世家懷王六年使柱國昭陽
將兵攻魏破之襄陵得八邑是也集注以非惠王事故不
繫年又誤以八邑爲七邑然此皆遊梁以前事非在梁後
事也故鹽鐵論載大夫曰孟軻居梁兵折於齊上將軍死
而太子虜西敗於秦地奪壤削亡河內河外文學辨之曰

孟子適梁惠王問利荅以仁義起舍不合是以不用而去
今觀通鑑兩述孟子之言一在惠王三十五年一在襄王
元年中隔十七年不知孟子寄跡何所若久於梁不幾如
大夫所譏哉溫公謂孟子出於東漢宜其不以爲怪也

右辨喪敗皆在未至梁前

孟子至梁應聘也晉陰澹所謂孟軻大德無聘不至也然
當時賢如燕昭王其卑身招賢當切於梁樂毅騶衍劇辛
皆歸之獨孟子裹足不入馮山公言孟子嘗爲齊卿燕齊
之讐宜雖薨潛尙在故寧終不遇而不一至燕也
見少作樂毅論
因思惠王之恥固在喪地而長子之死尤所痛心其願比

死者一洒意固專在齊也孟子以其因爭地而殉以子弟
故但與言百里可王又祇言制挺以撻秦楚而不及齊然
則舊君反服與否未可知而不爲戎首其明效矣胡炳文
孟子通熊氏曰孟子惓惓於齊梁者欲得志行乎中國也
於秦楚則深鄙外之廣業案七篇於齊宣惟一稱其不智
而歸罪於寒者短喪則責公孫丑不教以孝弟此外絕無
後言卽王子亦嘆其氣體不同至梁則惠之不仁定評於
身後襄之不君不諱於始見固三君之優劣亦孟子之心
也七篇獨詳齊之去來而史偏言來梁綱目又書去魏皆
與相反何耶若秦之尙功利棄禮義孟子義不入之通鑑

答問論之已詳其不入楚亦猶是也

右論不入燕不言伐齊

適魯

孟子既歸自梁年且七十無意人世惟魯爲少年遊學之國
又墳墓所在往來展視應無虛歲會樂正子仕於魯往觀政
焉聞魯欲使樂正子爲政喜甚不寐以其好善也而公孫丑
疑之因與言好善優於天下浩生不害以何如人爲問據趙注

又謂其在善信二人之中蓋孟門高第弟子莫有過樂正子
者矣既而樂正子以孟子告平公公將來見其時君臣合德
師弟同心實行道之一機也俄爲嬖人臧倉所沮孟子聞之

知道之終不行也喟然曰吾之不遇魯侯天也時魯將伐齊取南陽欲使慎子爲將軍孟子以爲殃民越制而不可然因是益知周公其衰矣越數年而孟子卒

諸國紀年魯最可據以其上繼春秋也故漢書律厯志用之然亦微有誤者史表魯平公元年當赧王元年皇甫謐曰平公元乙巳徐廣曰赧王元丁未實差三年徐又言魯世家自悼公以下與劉歆厯譜合而反違年表未詳何故通鑑考異論之備矣春秋長厯皇極經世赧王元在丁未則平公實立於慎覲王之五年矣平公世家名叔二十二年卒律厯志名旅二十年卒又復不同趙岐云樂正子爲

魯臣今觀欲使爲政必其時已爲大夫年亦在四五十閒

而孟子之爲垂暮更可知矣

萬斯同生卒辨云孟子若生安王之世年已七十餘安得

尚懷用世之志其生於烈王四年無疑此論亦甚迂

若慎子者趙岐以爲善用兵者

又云滑釐慎子名四書人物備考乃訛爲慎到

四書改錯辨之甚詳

然云慎子卽禽滑釐墨子弟子亦非

且謂其學墨子弟子禽滑釐之術以尊

尚滑釐故言滑釐所不識也吳興慎懋賞補輯慎子外內

篇直以孟文入之並誤至國策楚襄王傳慎子又另一人

平公後於宣王數年風俗通以魯平事接去齊後非也黃

焜四書珍珠船引廣文選曰魯平公與齊宣王會於鳧繹

山下樂克備道孟子於平公曰孟子私淑仲尼其德輔世

長民其道發政施仁君何爲不見乎亦誤

廣文選明倫彙編節所輯嘗於書

賈見之未及檢是條所出大約出六朝人手也釋史引之

右論魯平公

附

王世貞讀書後論孟子最狂易其言曰孟子幸而不見用於齊也使宣王用之其始受掣於文忌驩髡之輩必不究稍究而受忌於秦楚燕趙之君兵交臨淄之境故將畏上刑而不出必以諉孟子翼以章丑必敗其勝之而先移二周之鼎天下之罪叢焉則又敗惟不用而後世以王佐目之以不遇惜之故曰幸也又言孟子尊夫子功也闢楊墨

孟子四考

卷四

九

非功也楊墨之術不近人情不待闢而自廢如便者雖至今存可也噫是何見之鄙而辭之悖耶夫齊特患不能用孟子耳其時騶忌已死田忌老矣孟嘗未用事宣王果學而後臣舉國以委孟子言聽計從將在朝諸臣如時子儲子景子輩莫不拱手受命王驩一左右戲弄者耳何足與謫髡雖滑稽亦非能媚賢嫉能如臧文仲之制人進退也管仲爲相刀牙開方俱無所逞其技孟子又安所受掣哉既究矣發政施仁四海嚮風以褊小之滕尙有自楚宋來爲氓者况乘時勢之易加流行之速秦楚燕趙之民非穉子偕來卽延頸望拯耳卽云鄰有聖人敵國之憂或其

君忌甚而謀所以閒之如黎沮內史廖故事則不可知若
稱兵犯順誰用命者司馬法云古者以仁爲勝孫子云上
下同欲者勝吳子云兵以治爲勝治者居禮動威名曰父
子之兵三子以善戰稱其言並如此世主雖愚何至令謀
以出無名之師自取敗衄哉如行仁政者必動天下之兵
則是聖王不足法而暴秦之吞併梁惠之糜爛反爲良術
也有是理乎且孟子非不知兵者教民而用制挺以撻而
在薛戒備亦嘗用兵故將卽不出帶甲數十萬粟如邱山
臨淄之卒二十一萬不待發於遠縣進攻退守無所不可
安見其必敗匡章能將五都以舉燕章丑獨不可治兵莫

之信也至云勝之必移周鼎尤可笑七篇中從無謀及攻
取者故伐燕亦不之勸何爲首犯天下之不韙而取二周
况孟子雖稱湯武而與宣王言政厯舉文王太王公劉皆
諸侯之事也文王固無意翦商孟子之行仁政豈專在滅
周乎孔子言如有王者必世而後仁又欲應公山之召而
曰如有用我吾爲東周信如弁州之說則孔子當身老東
都其以九經告哀公已屬多事乃復於魯不可去而之齊
之宋之楚耶孟子幸而不用虛被王佐之目不幸而用其
將目爲亂臣賊子耶至謂尊夫子爲功闢楊墨非功夫宮
牆美富日月莫踰孔子在春秋尊已至矣非因楊墨塞路

寧復待孟子之尊者墨翟之徒三百人孟子雖闢之後世

猶以孔墨儒墨墨孟並稱

墨孟見後書郭太傳論

不闢安得自廢二

氏之教棄倫滅性其不近情過於楊墨時無孟子至今溺
之者甚衆豈真便而長存者乎推其意直可聽其淪於禽
獸而闢不爲功歸者亦不爲罪此則荀卿王充之所不敢
舉爲非刺者而公言無忌若此其有害於世教人心者非
小矣嘉靖七子元美稱雄獨歸震川大聲排之目爲庸妄
由今觀之妄哉妄哉惟庸故妄

姪 勲元

勲伊

男 勲懋

勲常同校字

書孟子四考後

予在杭時海寧周孝廉耕厓以所著孟子四考示予校勘比予將行來索則爲僕人誤束諸書篋矣及到京師耕厓屬蘇生琳趣此藁甚迫已托阮編修元爲予作題辭應之然鄙意本欲有所質於周君故復申之竊謂孟子道不行退而與萬章之徒著書七篇皆實事也非同莊生之寓言與戰國策之錯記諸國事者故當仍以本書爲據孟子言由孔子而來至於今百有餘歲孔子卒於周敬王四十一年壬戌則孟子

之生當在周安王世是矣又言由周而來七百有餘
歲此語發於去齊之歲燕人既叛之後按竹書爲隱
王元年丁未竹書以武王十三年壬辰周有天下至
是當七百九十六年若以通鑑己卯爲周元年則八
百餘九年矣殊不符也閻百詩不信竹書而信史記
司馬溫公取竹書惠王改元之事顧氏曰據紀年周
慎靚王之二年而魏惠王卒其明年爲魏襄王之元
年又二年燕王噲讓國於其相子之又二年齊人伐
燕取之又二年燕人畔而孟子之書先梁後齊其事

皆合然孟子在二國皆不久書中齊事特多又嘗爲
卿於齊當有四五年若適梁在惠王之末而襄王立
卽行故梁事不多謂孟子以惠王三十五年至梁者
誤以惠王後元年爲襄王之元年也竊謂孟子前二
卷卽其自敘去就先後本末之跡故始於梁惠王而
襄王而齊宣王而鄒穆公而滕文公而魯平公論世
者當以此爲仿或謂滅燕者湣王孟子曾再入齊見
湣王夫孟子自言久於齊非吾志也而惓惓於王由
足用爲善若湣王者烏可與爲善哉又孟子言公侯

皆方百里今魯方百里者五與子產諸侯一圻之言
合而與馬氏千乘之國方三百一十六里有奇周禮
封侯以方四百里明堂位魯封方七百里諸說大相
逕庭竊謂亦當以孟子爲可信何也孟子與慎子辨
而斥其枉所損乎若所言不實則慎子將掩口而笑
之曰子不聞周制封侯則方四百里乎何不讀周官
邪故鄙見以爲周禮疑非周書也況地里古今相距
不甚縣絕可按跡而稽也昔奉使道出山東者屢矣
自東平州四十八里渡汶河齊魯之交界也十二里

爲汶上縣九十里爲兗州府治之嶧陽縣又三十里
爲中山店又二十里爲鄒縣經魯地者不過百二十
里耳按今曲阜卽舊魯國都自曲阜而西三十里爲
兗州府又西六十里爲濟寧州又西五十里爲嘉祥
縣獲麟堆在縣西二十五里又州西北百五十里爲鄆城縣舊城在縣
東十六里魯西境是魯之西境得二百二十四里自
也成四年城鄆曲阜而東六十里爲泗水縣又東五十里爲卞城魯
卞邑又沂州府之費縣在曲阜東二百四十里蒙山
在縣西北五十里是魯之東境不過二百里自曲阜

而南五十里爲鄒縣是魯之南境不過五十里又魚
臺縣在府南百七十里武唐亭在縣東北十二里矢
魚於棠遠地也又單縣在府西南二百十里魯單父
邑是魯之西南二百里而強也自曲阜而北寧陽縣
莒襄在寧陽西北在府北五十里魯闡又東北九十里鉅平
城魯成又府西北九十里汶上縣魯中又府北百三
十里泰安府是魯之北境百四十里而近按魯之東
西約共四百里其南北約共二百里不能方也此則
兼并之後所謂方百里者五近之實不過方二百十

里有餘耳想其初封蓋方百里而贏矣馬鄭周禮明
堂位之言不如孟子之近確也珪又識

是考薈叢之初蓋在己丑庚寅閒時寧志餘閒已成動植小
志甫脫藁聞鮑君淶飲有藏本意林亟借鈔之校訂注補頗
費時日先是與崔表弟應樞纂刻關帝徵信編久迺訖工又
嘗考定季漢官爵乙未後始專意焉藁凡六七易辛丑春有
定本可繕寫自惟淺陋不敢示人仁和翟晴江先生方輯孟
子條考從友人丁君小正處鈔得謬見採錄甲辰春攜之都
門就正丹陽吉渭厓先生大興翁覃溪先生南漚吳白華師
幸皆進教之吳師并賜以序蓋意在獎成也丁未南旋復正
諸餘姚盧抱經先生多所指示第四卷本名疑義考吳師以
是卷皆考正里居世系出處易爲仕止覃溪先生謂加時地

二字更該括至是抱經先生兼取之題曰出處時地師亦謂然時大興朱石君先生視學吾浙暇日進謁懇求削正復蒙寄示序及書後各一篇祇誦之下茅塞頓開竊念末學卮言雖不至見棄有道然終未敢自信會遊桐汭藏之行篋者五年當開離郡志時剖氏知有是書亟請授梓未之許也今春復以爲言兒子勲懋進曰大人於是書積數十年勞瘁或不自惜竊觀參訂諸公各罄心力似未可虛糜也喟然諾之復顧華亭王鶴村涇縣吳霽川兩先生相與是正六月而竣每覆閱一過明知疎謬不少苦不能自舉對之顏汗而已至先後參校者歙縣程君易疇瑤田績谿方君茶山體餘姚盧君

匏廬文韶仁和沈君嵩門景熊蔣君東橋師鑰梁君處素履
繩海寧吳君槎客騫錢君淥窓馥寫校原藁者門人沈堯明
俊王拱樞星羅旅相星聯查儀高筠校刻則院諸生王羹遇
文琴李見如賓周錦如夢霞嗟乎一寸之書窮年屹屹檢閱
叢藁承惠諸條或書眉或粘簽閱亦貽書質辨卓識高論均
資裁益以廣業之顓愚督識論著初何足傳而諸君子嘉惠
之功信不可忘因於刻成之日詳識簡末尙冀宏達之儒匡
所不逮焉

乾隆六十年乙卯十有一月長至日海寧周廣業耕厓甫書
於復初書院